


程



續編

卷六十六之八十五



中興禮書續編第六十六卷

凶禮三十二

永思陵三十二

虞祭

淳熙十五年二月二十四日禮部太常寺言今泰酌  
條具申請下項一已降指揮已令文思院修製虞  
主神主今欲乞依禮例虞主俟修製畢交割付几筵  
殿俟引前二日交割付都大主管諸司差輦官捧  
擎其神主赴大廟奉安所交割一檢照昨徽宗皇  
帝典禮虞主至太廟俟奏請神靈上神主畢其虞主  
俟祔廟畢赴太廟冊寶殿安奉所有今來大行太上  
皇帝虞主欲乞依上伴典禮俟祔廟畢赴太廟冊寶

殿安奉施行 一依昨徽宗皇帝典禮虞主回用已  
造腰輿差輦官自攢宮奉擎虞主赴本殿所有今來  
大行太上皇帝虞主回日欲乞依上件典禮用腰輿  
差輦官捧擎赴德壽几筵殿 合用輦官令御輦院  
計會大都主管諸司差撥施行 一依禮例將來掩  
攢宮畢浴虞主并祔廟日浴神主各合用檀香沉香  
箋香茆香末各一兩共用柴五十斤并乞從太常寺  
依例報紹興府并臨安府各預先差人供納詔依  
二十七日禮部太常寺言謹按禮經葬日虞弗忍一  
日離也是日也以虞易奠虞喪祭也卒哭日成事是日也  
以吉祭易喪祭卒哭祭明日祔於祖父竊考國朝山陵  
禮制掩皇堂畢虞主回皇帝行奉迎安神虞祭卒哭

寧神奉辭之禮並服鞞袍及檢照紹興二十九年奉  
迎顯仁皇后虞主虞祭卒哭奉辭有司建請並服履  
袍十一月二十七日詔朕惟哀慕固極未忍純吉可  
並用今所服素黃袍黑帶素履以行事所有今來大  
行太上皇帝掩攢宮畢虞主回皇帝行奉迎安神虞  
祭之禮已降詔旨服素紗軟脚折上巾白羅袍緣猶  
未是吉祭服 可也其卒哭祭并神主祔廟日行寧  
神奉辭之禮依 經系吉祭若依祖宗典故合服鞞  
袍伏乞朝廷敷奏取旨施行詔用見今所服白布折  
上巾黑帶白布袍素履三月四日禮部太常寺言勘  
會將來大行太上皇帝靈駕發引掩攢宮畢行虞祭  
禮迎奉虞主回今具下項 一奉迎虞主渡江其浙

江亭合用權安奉虞主幄次并禮儀使都大主管官等以下幕次及合用拜褥乞下祔廟都大主管所行下諸管諸司報臨安府同儀鸞 設排辦施行 一奉行虞主合用御封降真香一合 一自攢宮迎奉虞主回竊慮不測值雨合用雨具乞令紹興府排辦至西興鎮渡江處其浙江岸至德壽宮乞令臨安府排辦施行詔依

六日喪事都大主管所言據同判太史局荆大聲等狀契勘將來大行太上皇帝梓宮掩攢畢所有神帛虞主依故例至國門合行回路宜入候潮門即吉詔依

九日禮部太常寺言勘會將來聖神武文憲孝皇帝

掩攢宮畢行九虞祭內第一至第六虞祭系太常鄉行禮第七第八第九虞祭係奏皇帝行禮今叅酌典禮條具下項 一將來皇帝虞祭日依禮例並不視

事百司作休務假并行第九虞祭禮畢百僚進名奉慰皇太后次進名奉慰皇帝皇后 一合用祝文九

首內六首係太常卿行虞祭之禮 一合用白幣九段各長一丈八尺小尺 乞令太府寺行下左藏庫支供 一合用

御 降真香九合 一合差讀祝文官一員乞降勅

史官充 一合差進幣爵酒官一員酌酒官一員乞降勅差六曹郎官充 一合差前導太常卿一員太

常博士一員乞輪太常寺官充 一合差捲簾侍香供進盤匝忱巾捧爵幣執燭等內侍官乞令太常寺

具合差員數報入內內侍省差官施行 一太常卿  
行虞祭禮合差奉禮郎太祝太官令各一員乞差太  
常寺官充如闕及執事相妨令太常寺牒臨安府紹  
興府差官 一九虞祭合用牲牢羊豕各九口及下  
牛羊司御厨差宰殺羊豕并饌造神食并合用酒齊  
禮料蠟燭等并乞從太常寺具數報紹興府并臨安  
府排辦應副并專衙前二人幹當施行 一自攢宮  
捧擎虞主腰輿至行合用輦官乞下御輦院量人數  
差撥所有威儀僧道等並執持儀物人乞就用發引  
日威儀等人充 內臨安府差僧道自攢宮至西興 迎接其紹  
詔依

十日禮部太常言檢照國朝山陵典禮虞主至京帝

服鞞袍於集英殿門奉迎前導升殿奠於幄殿行安  
神之禮所有將來聖神武文憲孝皇帝虞主至行在  
依典禮皇帝奉迎行安神之神之禮今忝酌條具下  
項 一奉迎虞主行安神禮日欲乞依禮例皇帝不  
視事俟行禮畢文武百僚進名皇太后次進名奉慰  
皇帝皇后仍乞是日作休務假 一虞主渡江於權  
安奉處禮儀使行奉迎之禮并至德壽宮皇帝行奉  
迎安神之禮合用御封降真香二合 一虞主回至  
行在日欲乞依禮例百僚出城常服黑帶立 奉迎  
一合差前導太常卿一員太常博士一員乞輪差  
太常寺官充及合差捲簾侍香內侍官乞從太常寺  
關報入內內侍省差官施行 一奉迎虞主安神禮

并行虞祭卒哭祭寧神禮奉辭虞主合於德壽宮門內  
及殿東廊設御幄施簾并合用黃羅拜褥奏請紫褥  
並乞下鸞司隨地之宜釘設排辦施行 一奉行迎  
虞主詣几筵殿權安奉畢係本殿官照管所有行安  
神禮 虞祭卒哭祭及迎神奉辭合用香案香爐匙  
合上香炭火蠟燭等乞令祔廟都太主管所下行諸  
司本殿排辦 一今來虞主回詣几筵殿安奉行禮  
其合用祭器禮器料蠟燭燎草等乞從太常寺閱報  
几筵提舉欽奉所照會放令入出施行詔依  
十一日禮部太常寺言檢照永裕永泰陵虞祭禮自  
復土六虞在塗太常卿攝事三虞於集英殿皇帝行  
禮昨顯仁皇后掩攢宮畢行第一虞祭將起發行第

二虞光相寺宿頓行第三虞錢清鎮宿頓行第四虞  
蕭山縣宿頓行第五虞渡江訖浙江亭行第六虞禮  
畢奉迎虞主詣慈寧宮奉安皇帝親行三虞祭勘會  
將來聖神武文憲孝皇帝掩攢宮畢行虞祭禮裕乞  
並依前項典禮六虞在塗差太常卿攝事禮畢奉迎  
虞德壽殿奉安恭請皇帝親行三虞祭伏乞朝廷敷  
奏取旨施行詔依

同日又言勘會已降指揮用三月二十一日聖神武  
憲文孝皇帝梓宮掩攢宮畢太常卿行虞祭禮沿途  
至四月初四日就蕭山縣行第五虞祭畢渡錢塘江  
赴浙江亭宿頓至初五日行第六虞祭今契勘四月  
初四日係禁渡日分今欲乞初四日行第五虞祭畢

且就蕭山縣宿頓至初五日渡江至浙江亭宿頓初  
六日早行第六虞祭畢奉迎虞主詣德壽宮皇帝行  
奉迎安禮及行第七第八第九虞祭依禮例係間日  
行禮并依國朝故事神主祔廟前二日皇帝親行卒  
哭禮之祭所有神主祔廟日辰今據太史局選用四  
月二十日丙戌吉所有間日一虞祭緣相去祔廟日  
遠今檢會昨紹興二十九年禮例亦緣祔廟日遠係  
三日一虞祭今欲乞將來四月初六日奉迎虞主詣  
德壽宮凡筵殿行奉迎安神之禮畢於四月初八日  
皇帝親行第七虞祭十一日行第八虞祭其十四日  
係昭慈聖憲皇后忌辰欲乞於十五日行第九虞祭  
十八日行卒哭祭詔依

十四日太常寺言勘會已降指揮本寺少卿尤袤差  
充六月虞祭及掩攢宮饗宮行禮回日合朝窈緣本  
官於四月五日隨虞主渡江至四月六日於浙江亭  
虞主前行第六虞祭畢合赴德壽宮前導皇帝導  
虞主升殿行安神禮所有朝見委是相妨欲乞令本  
官四月六日行第六虞祭畢依紹興二十九年體例  
免朝見徑赴前導行禮詔依

十六日禮部太常寺言勘會已降指揮聖神武文憲  
孝皇帝靈駕發引皇太后就德壽殿梓宮前行奉辭  
燒香之禮所有將來掩攢宮畢虞主回日皇太后奉  
迎去處欲去依前項奉辭去處奉迎伏乞朝廷敷奏  
取旨施行詔依



同日又言勘會將來聖神武文憲孝皇帝虞主回赴  
几筵殿權行安奉所有合用安奉虞主倚子一隻及  
已後照管并虞祭卒哭祭捧遷虞主欲乞依故例並  
乞令本殿幹辦官照管排辦施行詔依  
二十三日宣諭宰執候虞主回令分付兵部如儀衛  
之屬毋令斷續

二十六日權禮部郎官倪思等言竊惟聖上孝誠天  
至自初喪至於發引凡所以送終追往無所不用其  
極四方觀瞻莫不感動檢準國朝典故至道三年永  
熙陵掩皇堂訖虞祭主至京帝自含光門外慟哭迎  
拜前導升殿近者聖神武文憲孝皇帝梓宮發引皇  
帝於德壽宮門外行遣奠之禮今來聖神武文憲孝

皇帝虞主回日欲乞於德壽宮門外設御幄以俟迎  
拜步導升殿行安神之禮庶於禮典隆厚仰稱聖上  
始終盡孝之誠伏望朝廷敷奏取旨施行詔依

四月二日兵部尚書兼攢宮儀仗鹵簿使職事宇文  
价言照會先於三月十七日準已降指揮將來聖神  
武文憲孝皇帝虞祭畢迎奉神主祔廟依典故合用  
細仗二百人自德壽宮引至太廟本部除已行下所  
屬據數差撥外臣照對每次郊祀明堂大禮排設儀  
仗凡五千人及逐年人使到闕設黃麾角仗亦一  
千餘人皆隨事之輕重而增損其數今迎奉聖神武  
文憲孝皇帝虞主還德壽宮并將來神主祔廟事體  
至重今欲參照典禮增添細仗作五百人於四月初

六日及四月二十日兩次排設導引庶幾儀衛稍稱  
仰稱崇奉之意詔依  
三日太常寺言已降指揮節文迎奉聖神武文憲孝  
皇帝虞主還德壽宮并將來神主祔廟增添細仗作  
五百人於四月初六日及四月二十日兩次排設導  
引所有本寺鼓吹亦合隨儀仗導引祇應今欲乞就  
用祔廟鼓吹一百三十一人於四月初六日迎奉虞  
主還德壽宮并四月二十日迎奉神主祔廟兩次導  
引祇應所有逐吹鼓吹詞章合用道宮導引各一曲  
乞令學士院日下修撰降付本寺教習其兩次合破  
食錢今止乞從祔廟已降指揮則例共支破五日詔  
依

同日兵部言已降指揮將來聖神武文憲孝皇帝虞  
主還德壽宮并神主祔廟增添細仗作百五人今具  
下項一勘會將來虞主還德壽宮并神主祔廟合  
用細仗五百人迎奉其合用執擎儀仗等人內碧欄  
二十四人從例係左右金吾街仗司差撥職掌四人  
係本部差外所有其餘人并於內合用請納儀仗等  
旁頭四人並乞下殿前司差撥施行一契勘自來  
排設儀仗係差本部郎官一員總轄係承準朝廷指  
揮差委所有今來本部郎官見闕導從元降指揮請  
戶部郎中王回兼權兵部郎官兼庫部郎本部今欲  
乞朝廷指揮差委總轄施行一所有儀使仗法服  
乞據合用數目報祇候庫日下揀選新鮮名件閱支

施行 一至日迎奉虞主還德壽宮并將來神主祔廟自几筵殿門外導引所有一行儀仗人兵經由門戶乞行下本官提舉官關報所屬照驗執著服色放令入出無令阻遏詔依

親行虞祭儀

其日設牙牀牲牢禮饌畢行禮時前御史臺閣門太常寺先引文武百官詣几筵殿裏外立班定次禮直官引讀祝文官詣殿上東向立進幣爵酒官詣殿上西向立酌酒官於殿上酒尊之後立定次禮直官太常博士引太常卿詣幄前立定皇帝自內承輦至德壽宮降輦入御幄簾降次引皇太子宰執從駕官立班定禮直官太常博士引太常卿當幄前俛伏跪奏

稱太常卿臣某言請皇帝行虞祭之禮奏訖俛伏興退復位簾捲前導皇帝出幄詣殿上褥位西向立內侍啟虞主匱於後以白羅巾覆之訖奏請拜皇帝再拜在位官皆再拜次內侍進盤匱沃水奏請皇帝盥手內侍進巾又奏請皇帝悅手內侍進爵又奏請皇帝洗爵內侍進巾又奏請皇帝拭爵訖導官前導皇帝詣虞主前奏請皇帝跪上香再上香三上香進幣爵酒官搯笏跪先進幣次進爵酒又奏請皇帝受幣執爵三祭酒茅苴奠爵俛伏興又奏少立讀祝文官搯笏跪讀祝文訖奏請拜皇帝再拜在位官皆再拜訖前導皇帝還褥位西向立又奏請皇帝再拜在位官皆再拜內侍啟虞主巾捧匱覆虞主訖前導皇帝

歸御幄簾降禮直官太常博士引太常卿當屋前俛  
伏跪奏稱太常卿臣某言禮畢奏訖俛伏興退復位  
前導官退陪位行事官以次退如儀上第九虞皇帝還  
內如來儀

中興禮書續編卷六十七

凶禮三十三

永恩陵三十三

安神卒哭祭

淳熙十五年三月九日禮部太常寺言勘會將來聖  
神武文憲孝皇帝虞祭禮行卒哭祭令檢照典禮參  
酌條具下項一國朝永昭陵嘉祐八年七月七日  
帝行卒哭之祭羣臣奉慰永泰永厚陵卒哭祭如永  
昭陵故事及紹興二十九年典禮卒哭祭行禮日宰  
執文武百官陪位立班所有將來聖神武文憲孝皇  
帝卒哭祭欲乞依上件典禮是日皇帝不視事詣几  
筵殿行祭禮宰執文武百官陪位立班俟禮畢進名

奉慰皇太后次進名奉慰皇帝皇后仍乞百司作林  
務假一合用祝文一首皇帝以為聖神文武憲考  
一合用御封降真香一合一合用白幣一段長八  
尺小乞令太府寺行下左藏庫支供一合用羊豕  
各一口乞從太常寺報臨安府收買赴寺呈驗訖下  
牛羊司滌養餵至日差宰宰等祇應一合用酒齊  
禮料等乞從太常寺具合用數報臨安府排辦施行  
一合差前導太常卿一員太常博士一員乞輪差  
太常寺官元及合差捲簾侍香供進盤匝悅巾捧爵  
幣執燭等內侍官乞從太常寺具合差員數入內內  
侍省差官施行一合差進幣爵酒官一員酌酒官  
一員乞差六曹郎官并合差讀祝文官一員乞差史

官詔依

十六日禮部太常寺言勘會已降指揮將來聖神武  
文憲皇帝虞主回至行在日依典禮車駕詣德壽宮  
奉迎行安神之禮又緣是日文武百僚合出城奉迎  
虞主其奉迎虞主立班官內有合從駕官今欲乞是  
日營軍及應奉官免赴城外奉迎竟從駕詣德壽宮  
畢以俟虞主至就德壽門外奉迎訖同奉迎虞主文  
武立班官俟皇帝行奉迎安神禮畢進名奉慰皇太  
后次進名奉慰皇帝皇后詔依

四月一日禮部太常寺言勘會已降指揮聖神武文  
憲孝皇帝虞主回日於德壽宮門設外御幄以俟迎  
拜步導升殿行安神之禮今具申請下項一合於

德壽宮門外西向設御帳施簾并合用黃羅拜褥奏請紫褥並乞下儀鸞司預先計置釘設排辦施行一將來虞主回日皇帝於德壽宮門外迎拜步導升殿窈慮至日不測值雨其德壽宮門外合用席屋欲乞下臨安府同儀鸞司計會太常寺預先絞縛釘設排辦施行其宮門內至殿下合用席屋就用今席屋釘設排辦施行

虞主還德壽宮鼓吹詞

道宮 導引

上皇天大華旦煥堯文鴻福浩無垠羽龍俄駕靈輜去空鎖鼎湖雲稽山翠擁浙江瀆歸旆捲繽紛游指日嚴殿升祔萬載頌高勲

禮儀使奉迎虞主儀

其日威儀僧道儀衛親從等並詣權安奉聖神武文憲孝皇帝虞主幄次前排立禮直官引禮儀使都大主管官已下請虞主幄前褥位立班定禮直官揖躬拜禮儀使升詣虞主香案前播笏上香再上香三上香執笏降復位再拜在位官皆再拜訖次引禮儀使都大主管官升詣幄分立定禮直官引內謁者詣虞主腰輿前俛伏跪奏稱內謁者臣某言請聖神武文憲孝皇帝虞主進行奏訖俛伏興退次威儀僧道儀衛親從等前引禮儀使騎從都大主管官并主管諸司等往來照管俟虞主進行至德壽宮門禮儀使已下下馬步從至德壽宮門退以俟皇帝行奉迎之禮

其僧道立於德壽宮門外退其儀衛觀從等至德壽殿門外退

皇帝奉迎虞主并安神禮儀

其日皇帝乘輦詣德壽宮降輦入宮門內御幄禮直官太常博士太常卿於幄前立定俟聖神武文憲孝皇帝虞主<sup>將</sup>至德壽宮門外禮直官太常博士引太常卿當幄前俛伏跪奏稱太常卿臣某言請皇帝奉迎聖神武文憲孝皇帝虞主行安神之禮奏訖俛伏興退復位簾捲前導官前導皇帝出幄詣虞主前褥位西向立俟虞主少駐奏請拜皇帝再拜訖扶侍夾寺捧腰輿入門前導官前導皇帝步導虞主升殿至殿上虞主權駐前導官前導皇帝詣殿上褥位西向立次引內謁者詣虞主腰

輿前俛伏跪奏內謁者臣某言請聖神武文憲皇帝虞主降輿升座權安奉奏訖俛伏興退內侍官捧虞主升座前導官前導皇帝權安几筵殿前御幄前導官權退次德壽宮提舉官奏請皇太后詣虞主前北向立內侍官啟虞主匱於後以白羅巾覆之皇太后行安神燒香禮如宮中之儀訖退前導官詣御幄前皇帝升殿詣褥位西向立奏請拜皇帝再拜訖前導官前導皇帝詣聖神武文憲孝皇帝虞主香案前北向立奏請皇帝上香再上香三上香又奏請皇帝拜皇帝再拜訖前導官前導皇帝還褥位西向立俟內侍官啟巾捧匱覆虞主訖前導官前導皇帝歸几筵殿御幄前簾降禮直官太常博士引太常卿當幄前

後伏跪奏稱太常卿臣某言禮畢奏訖俛伏興前導  
官退皇帝還內如來儀

卒哭祭儀

其日有司設牙床牲牢禮饌行禮時前御史臺閣門  
太常寺先引文武百官詣几筵殿裏外五班定次禮  
直官引進幣爵酒官詣虞主香案之東面向立引讀  
祝文官一員詣香案之東西向酌酒官詣殿上酒尊  
之後北向立定次禮直官太常博士引太常卿於幄  
前立定皇帝自內乘輦至德壽宮降輦入御幄簾降  
次引皇太子宰執從駕官立班定禮直官太常博士  
引太常卿當幄前俛伏跪奏稱太常卿臣某言請皇  
帝行卒哭之祭奏訖俛伏興退復位簾捲前導官前

導皇帝出幄詣殿上褥位西向立內侍啟虞主匱於  
後以白羅巾覆之訖奏請拜皇帝再拜在位官皆再  
拜訖次內侍進盤匱沃水奏請皇帝盥手內侍進巾  
又奏請皇帝悅手內侍進爵又奏請皇帝洗手內侍  
進巾又請奏皇帝拭爵前導官前導皇帝詣虞主前  
奏請皇帝跪上香再上香三上香進幣爵酒官搯笏  
跪先進幣次進爵酒又奏請帝受幣奠幣執爵三祭  
酒於茅苴奠爵俛伏興又奏請少立讀祝文官搯笏  
跪讀祝文訖奏請拜皇帝再拜在位官皆再拜訖前  
導官前導皇帝還褥位西向立俟內侍啟虞主巾捧  
匱啟虞主訖前導官前導皇帝歸御幄簾降禮直官  
太常博士引太常卿當幄前俛伏跪奏稱太常卿某



言禮畢奏訖俛伏興前導官退陪位行事官以俟進  
名奉慰訖退皇帝還內如來儀

中興禮書續編第六十八卷

凶禮三十四

永思陵三十四

祔廟一

淳熙十四年十月二十五日禮部太常寺言伏覩大  
行太上皇帝神主將來附廟合添一室修製柘室等  
欲乞朝廷劄下臨安府轉運司預先相度地步修蓋  
詔令太常寺同臨安府轉運相度條具奏聞

十一月十日禮部太常寺言將來掩攢宮畢并神主

祔廟依故事合用虞主一神主一大匱二小匱二

腰輿二汲水鐵絡桶二索矮香案二座紫羅衣白羅

拭巾一長八尺筆硯墨一副羅巾二各長八尺行障二

紫羅襪藉神主虞主紫羅褥子二箇浴斛二跌座二  
衣全錦褥子油絹帕二條子全幣三軍匱黃羅夾帕  
二條幣三並乞令工部下文思院修製施行其浴室  
法物令文思院計會太廟奉安所製施行詔依  
十九日禮部太常寺兩浙轉運司臨安府言臣等今  
月初六日躬親前詣太廟奉安所相度條具下項  
一將來大行太上皇帝神主祔廟添置殿室一間合  
闊一丈五尺係在大殿東壁與東門廊屋及齋殿相  
連若行撥移齋殿向東委是費用工物浩大今相度  
得自今東神門外齋殿基至太廟殿內東廊基有空  
地一丈五寸若將空地增展修蓋尚少地段一尺五  
寸臣等今欲將齋殿西廊那入向東四尺五寸可以

添置殿室一間即無相妨若依此修蓋其齋殿東廊  
亦合那入向西四尺五寸所有南神門東神門及泰  
階東踏道亦合取正蓋造修砌一契勘今來添置  
一室修製柘室等係殷動斧鑿依禮例合行奏告太  
廟別廟所有太廟神主合告遷赴初獻殿權行奉安  
及祭告土地今乞令兩浙轉運司臨安府各認合修  
造去處先次撥那修整齋殿東西廊屋工畢了日却  
行樺截初獻廳以俟告遷權奉安仍一面計置合用  
工物製造熟材候告遷畢應時立木併工修造其奏  
告遷合用御封香祝幣帛禮料等及應合排辦事件  
並乞照應逐次權奉安奏告告遷禮例具數關報所  
屬排辦施行詔依

十二月十九日禮部太常寺言準批下兩浙轉運司  
申近承省劄備奉已降指揮令於太廟蓋造大行太  
帝神主將來祔廟添設殿宇本司已行支撥材植工  
物牒委本司帳計拘收監督人匠修蓋去後今據監  
修官本司主管帳司張訴申昨承太常寺等指引其  
室間闊一丈五尺今來大殿挾室東壁止有空地一  
丈五寸將齋殿前東西兩廊屋各那入向裏四尺五  
寸共揆地步一丈五尺應副蓋造照得舊來諸室并  
挾室一十三間以仁宗一室為中見與御路及南神  
門一直相對今來於東畔添創一室若將御路及南  
神門撥移過東即在仁宗及英宗兩室之間却與殿  
柱相對其神門未識合與不合依舊更合取自朝廷

指揮施行禮部太常寺檢準今年十一月十九日已  
降指揮所有南神門東神門及太階合取正蓋造今  
勘當欲令兩浙轉運司照令已降指揮將南神門東  
取正蓋造所有當中泰階今欲乞向東接濶取正修  
砌詔依

二十四日禮部太常寺檢照乾興元年九月十六日  
禮儀院言準詔叅議真宗玉冊宜於何處奉安檢會  
太祖太宗尊號玉冊升祔之時並安本室上件玉冊  
及真宗在位尊號寶冊並請於太廟本室奉安從之  
及嘉祐八年十月三日翰林學士范鎮言伏見帝后  
尊號冊寶與謚冊寶同置廟室本室積累重沓請冊  
寶別置殿以藏禮院詳定依鎮所請今來恭覲昨應

奉上大行太上皇帝尊號冊寶見在德壽宮今欲乞  
依上件典禮俟將來神主祔廟日將尊號玉冊玉寶  
陳於伏內迎奉赴太廟於冊寶殿奉安詔依  
十五年正月二十二日太常寺言勘會已降指揮節  
文將來大行太上皇帝神主祔廟合添一室修製祐  
室等係在大殿東壁接蓋所有東神門廊屋等撥移  
向東修蓋外今據臨安府修城壕寨官監修徐復等  
申本府管認聚茶廳前幕次廊屋乞指揮差人指引  
卓立地步蓋造施行尋連送祠祭官并太廟奏安所  
相度指引契勘去後契勘得昨淳熙十二年大禮係  
儀鸞司排辦宿齋幕次去處今相視得皇太子大  
禮宿齋位次四間今欲撥那向東及皇孫平陽郡王

幕次屋四間撥移與皇太子宿齋位次相連蓋造大  
禮御厨屋四間却趲充將來大禮御帶宿齋位次止  
闕少御厨屋四間今相度得委是地步窄隘即無可  
以蓋造去處欲候將來大禮今臨安府於小橋星門  
外西壁空地上隨宜蓋造瓦屋四間應副使用禮畢  
即便去折委得各無妨礙詔依

二十三日禮部太常寺言據太廟奉安所申契勘本  
廟見管一十四室祭器將來大行太上皇帝神主祔  
廟所有合用祭器內有損漏乞行修整烏巢雅飾伏  
乞備申太常寺行下所屬前來本所修整施行并據  
祭器司狀契勘將來神主祔廟行禮合用祭器一十  
四室係屬軍器所修整烏巢雅飾今來欲乞申明朝

廷指揮下軍器所差前來本所修整烏巢雅飾充行  
禮使用詔依

三月四日禮部太常寺言勘會將來聖神武文憲孝  
皇帝神主祔廟日依典禮皇帝行寧神禮并前導奉  
辭虞主今參酌條下項一合用御封降真香乞令  
太常寺具合用數報入內內侍省請降一行禮日  
合差捲簾內侍侍香乞令太常寺報入內侍省差官  
試用一合差前導太常卿一員贊引太常卿太常  
博士一員乞依例輪差太常寺官充詔依

八日禮部太常寺言檢照紹興七年徽宗皇帝典故  
俟奉上謚號冊寶了日合稱聖文仁德顯孝皇帝祔  
廟畢合稱徽宗聖文仁德顯孝皇帝所有今來大行

太上皇帝升遐其謚號稱呼欲依上件典故俟奉上  
謚號冊寶了日合稱聖神武文憲孝皇帝祔廟畢合  
稱高宗聖神武文憲孝皇帝候指揮下日合進奏院  
遍牒施行詔恭依

同日又言勘會將來聖神武文憲孝皇帝靈駕發引  
掩攢宮畢虞主回俟虞祭卒哭祭畢合行神主祔廟  
之禮太史局選用四月二十日丙戌吉時宜用其日  
卯時八刻後乙時吉即與國音別無妨礙詔恭依  
九日禮部太常寺言勘會將來聖神武文憲孝皇帝  
靈駕發引掩攢宮畢虞主回俟虞祭畢迎奉神主祔  
廟依故事參酌下項一虞主并神主祔廟依禮例  
合差禮儀司一員依例係朝廷降勅差宰臣一奉

迎虞主并神主祔廟依禮例合差都大主管官一員  
依例係朝廷差出內侍官充詔奉迎虞主并神主祔  
廟禮儀使差左丞相王准都大主管官差楊皓  
十六日禮部太常寺言勘會將來聖神武文憲孝皇  
帝祭畢迎奉神主祔廟今條具下項一將來神  
主祔廟依典禮合前二日奏告天地宗廟社稷宮觀  
今欲乞依典禮施行所有合差奏告官乞令太常寺  
申請差官外其合排辦事件及差合禮郎等官乞依  
自来奏告禮例申關所屬差官排辦施行一將  
來神主祔廟日依典禮前一日皇帝齋於內殿有司  
不奏刑殺文書是日宰執齋於堂陪位百官齋於本  
司其無本司官齋於貢院員僚齋於本營廳事致齋

日治事如故惟不判書刑殺文書所有合破致齋食  
乞依紹興二十九年致齋則例入厯批勘施行所有  
合用幕次倚桌牀薦什物等並乞依例下臨安府同  
儀鸞司釘設排辦施行一將來神主祔廟依禮例  
是日皇帝不視事百僚進名奉慰今欲乞神主祔廟  
日依禮例皇帝不視事祔廟行禮畢文武百僚詣德  
宮進名奉慰皇太后次詣文德殿隔門進名奉慰皇  
帝皇太后仍乞是日百司作休務假并次日作歇泊  
休務假一將來神主祔廟其行事執事官依禮例  
合前十日受誓戒於尚書省立班今欲乞禮例施行  
其合差行事執事等官并前三日致齋其合用禮料  
酒齋等並乞令太常寺牒報臨安府排辦施行一

將來神主祔廟合行饗太廟別廟禮合差薦香燈捧  
俎官係太常寺申吏部差官施行 一將來神主奉  
迎虞主五神主祔廟合差宮闈令及差內常寺內謁  
者并扶侍表侍捧腰輿內侍官乞令太常寺報入內  
內侍省差官施行 一依典禮神主祔廟日應南班  
宗室騎導虞主詣太廟所有今來神主祔廟欲乞依  
典禮用行在應南班宗室赴俟皇帝行奉辭虞主  
畢自德壽宮門外騎導至太廟櫺星門外下馬步導  
至權安奉幄次訖權退以俟陪位立班 一將來神  
主祔廟依典禮文武百僚服吉服陪位立班欲乞下  
御史臺閣門申請施行 一將來神主祔廟依禮例  
合設登歌宮架樂舞候指揮下日令太常寺條具申

請排辦施行 一將來迎奉虞主詣太俟奏請畢神  
主祔廟依禮例合用本殿儀衛及執打從物繖扇等  
導引赴太廟欲乞令都太主管所關借見今德壽宮  
從物等至日導引赴太廟事畢送還本殿 一勘會  
將來神主祔廟所有合差儀衛鼓吹輦官僧道等并  
合祇應職掌各合破祔廟日食錢恩澤并御史臺合  
門太常寺贊引人并禮部謚冊寶下職掌等合破前  
一日致齋并祔廟日食錢恩澤乞依昨來祔廟體例  
令逐處差的確人數保明公文報祔廟都大主所管  
行行下主管諸司依例支給施行如有該載不盡名  
色之人亦乞令諸司比附支給施行 一將來神主  
祔廟合於祔饗時前告遷憲節皇后神主詣太廟南

神門權行奉安以後同時禱謁升禱高宗室今欲乞  
於禱饗行禮時前先行奏告別廟憲節皇后室俟奏  
告畢遷詣南神門外幄次所有合差奏告告遷官一  
員并合差奉禮郎太祝太官令乞於禱饗行事太常  
寺官內從本寺一面差官行禮其合用御封香祝文  
幣帛酒脯禮料等亦乞從太常寺關報所屬排辦施  
行內祝文一首述以為奏告告遷憲節一將來神  
皇太后詣太廟禱謁升禱高宗室之意  
主禱廟合用祝文一十四首並述以聖神文武文憲孝  
皇帝神主禱廟并憲節  
升后神主同時禱謁合用白幣一十四段各長一丈  
并於高宗室之意乞今太府寺行下左藏庫支供一將來神主禱廟  
其太廟南神門外稍西東向合設權安奉虞主神主  
幄次乞下儀鸞司同臨安府預先計會釘設排辦施

行一將來神主合用漆匠一名并所用漆乞令文  
思院預先差辦施行一依禮例合差威儀僧道各  
一百人并合差儀衛輦官親從官其僧道乞下臨安  
府差撥其儀衛輦官親從官欲乞令都大主管所指  
揮所屬量人數差撥施行一合用羊豕各一十四  
口并副羊豕各四乞令臨安府收買赴太常寺呈驗  
赴牛羊司入滌養餵至日差人供應一將來神主  
禱廟依典故用細仗二百人并用太常鼓吹自德壽  
宮振作導引至太廟欲乞令兵部依例差撥其鼓吹  
令太常寺比附儀仗人數條具申請差撥施行一  
將來神主禱廟所有行禮儀注乞依例從太常寺修  
定關報所屬施行一將來神主禱廟先行禱謁祖



宗之禮合用黃羅拜褥一領乞下工部指揮文思院製造赴太常寺送納候用畢交割赴太廟冊寶殿收掌一將來神主祔廟合差定時尅擇官一名乞下太史局差撥前一日赴祠所至日定時祇應一奉辭虞主宥慮不測值雨其宮門內至殿門合用露屋乞令儀鸞司就用今席幄施行一勘會今來宗室牒一面已行申請製造進請御書修製畢權於修內司安奉以俟擇日迎奉安掛今契勘迎牌依禮例合用樂并儀仗今來緣未開樂欲乞令儀鸞司前期絞縛綵結殿子并令御輦院計會修內司量人數差撥擡擊輦官及令皇城司差儀衛親從官五十人並裝著儀注全於祔廟前一日自修內司捧擊室牌升綵結

殿子迎奉赴太廟南神門設幄權行安奉至祔廟日行禮時前令修內司差人安掛所有權安奉御書牌幄次乞令儀鸞司釘設排辦施行詔依會要三四月十日書宇文价等詳議高宗聖神文武文憲孝皇帝祔廟配饗功臣太史秦國公謚忠穆呂頤浩特進觀文殿大學士謚忠簡趙鼎太師斬王謚忠烈張俊從之韓世忠太師循王謚忠烈張俊從之

中興禮書續編第六十九卷

凶禮三十五

永思陵三十五

祔廟二

淳熙十五年三月二十六日權禮部官倪思等言照對喪禮自九虞卒哭至於升祔純用古禮今來竊見迎導聖神武文憲孝皇帝神主升祔太廟自有細仗鼓吹導其僧道威儀考之古禮以為未純蓋從來太廟事體與景靈宮原廟不同欲乞朝廷敷奏減去僧道威儀實為允當詔依  
同日又言近具奏乞於未掩攢前暫停百官輪對引見班次已得指揮施行外檢準永昌陵神主祔廟前

三日不御殿永熙陵虞主至京至於祔廟皆不御朝  
今來欲乞比祔上件典故自聖神武文憲孝皇帝虞  
主回日至於祔廟更不引對見百官班次其祔廟前  
三日乞皇帝特不視事庶合祖宗禮意詔依  
三十日禮部太常寺言準淳熙十五年三月十六日  
已降指揮將來聖神武文憲孝皇帝虞祭畢迎奉神  
主依禮例合設登歌宮架樂舞候指揮下日太常寺  
條申請排辦施行今條具下項一將來神主祔廟  
合用樂舞樂曲用時饗樂舞樂曲外所有添撰聖神  
武文憲孝皇帝祔廟樂章一曲乞令學士院修撰降  
下太常寺韻譜教習施行一將來神主祔廟合用  
節奏樂正六人登歌宮架舞師欲從時饗例合用登

歌樂工七十二人宮架樂工九十九人二舞九十人  
內樂正并登歌樂正合前十日赴尚書省受誓戒所  
有合用登歌宮架大樂就本寺見管數內揀擇使用  
更不修飾并樂工二舞合用服著衫幘從例下祇候  
庫關借事畢發還及合用般運大樂兵級乞依時饗  
例於殿前步軍司差撥一將來神主祔廟已降指  
揮依禮例設登歌宮架樂舞今來行禮所有樂舞依  
時饗例作樂外添撰神主祔廟樂章事體至重合前  
期教習祇應所有合差樂舞欲自受誓戒為始教習  
十日欲乞從昨來顯仁皇后神主祔廟體禮例有錢  
糧樂工每日支食錢一百文無錢糧樂工二舞每日  
支食錢四百文今欲乞依上件則例支破仍不理為

次教乞於太常寺人吏請受文歷內幫勘施行  
將來神主祔廟樂曲欲乞從時饗例于本寺教習十  
日詔依

同日又言準淳熙十五年三月十六日已降指揮將  
來聖神武文憲孝皇帝虞祭畢迎奉神主祔廟依典  
故合用細仗二百人并用太常鼓吹自德壽宮振作  
導引至太廟乞令兵部依例差撥其鼓吹令太常寺  
條具申請差撥施行今條具下項 一將來神主祔  
廟鼓吹詞章合用道宮導引一曲欲乞令太常寺具  
腔譜申學士院修撰降下本寺教習施行 一將來  
神主祔廟依故事合用鼓吹緣今來見差發引祇應  
人共一百三十一人令丞職掌府典史引樂官一十

人歌色一十六人簫色八人箏篋色三十人大鼓一  
十六人笛色三十人小鼓一十六人金鼓鉦四人節  
鼓一名共一百二十一人欲乞就用上件人數教習  
導引祇應所有日支食錢依已教法發引則例支破  
內令丞職掌府典史樂官一十人日支食錢各五百  
文歌簫箏篋笛大小鼓色金鉦節鼓共一百人日支  
食錢各二百文並不理為次教其食錢乞依紹興二  
十九年顯仁皇后祔廟例於太常寺人吏請給文歷  
內幫勘施行 一今來習教導引欲乞於太常寺從  
例前期教習五十 一鼓吹下合用服著樂器等已  
行闕借發引使用乞下祇應候庫照會就用事畢發  
還詔依

四月四日敷文閣學士提舉隆興府玉隆萬壽宮韓  
彥直言竊見初六日百官奉迎虞主至廟欲乞許彥  
直赴赴隨班稍申臣子哀痛墮越之誠詔依  
五日御史臺言勘會將來神主祔廟文臣乞用應隆  
務通直即以上及行在見任寺監主簿承務郎以上  
職事官赴赴陪位立班詔依  
六日閣門言勘會將來神主祔廟武臣乞用保義郎  
以上并三衛指揮使員僚並服常服吉帶赴赴陪位  
立班詔依  
八日禮部太常寺勘會將來神主祔廟行饗太廟別  
廟禮合差初獻亞獻終獻各一員以南班宗室充詔  
依

同日又言將來神主祔廟合行饗太廟別廟禮合差  
泚誓刑部尚書監察御史兵部尚書工部尚書押樂  
太常卿光祿卿押樂太常丞光祿丞奉禮郎登歌協  
律郎宮架協律郎太祝各一員太官令二員內刑部  
尚書止赴受誓戒即不合致齋行事詔依

同日又言勘會已降指揮四月二十日聖神武文憲  
孝皇帝神主祔廟合前二日奏告昊天上帝皇地祇  
宗廟太社太稷天慶觀報恩光孝觀太一宮各合差  
奏告官一員乞於侍從官內差官內宗廟乞差南班  
宗室並前一日赴逐處致齋至日行事詔依

同日又言勘會將來聖神武文憲孝皇帝虞祭畢迎  
奉神主祔廟檢會紹興七年十一月空日尚書省黃

牒翰林學士知制誥兼侍讀兼資善堂翊朱震劄子  
奏準出差官充題虞主神主官臣按後漢禮儀志桑  
木主尺二寸不書字又按社祐通典載唐令元儀注  
虞祭之言止言太祝捧主匱置於座啟匱於前捧出  
神主不言題謚祔廟之意禮則日饗前一日質明大  
祝以香湯浴粟主拭以羅巾題粟官盥洗捧虞主就  
褥位題神主墨書訖以光漆重模之則是唐制唯題  
粟主亦不題虞主也本朝仁宗皇帝上僊尚書祠部  
員外郎直秘閣呂夏卿奏請虞主不題謚詔兩制及  
侍制以上官與禮官翰林學士承旨孫朴陵故事虞  
主更不題謚俟祔廟前期一日恭依勅命書題神主  
取進止牒奉勅恭依今來聖神武文憲孝皇帝虞主

神主欲乞依前項典故施行所有合差書題神主官  
一員詔恭依其題書官差兵部尚書宇文侂  
十一日禮部太常寺言今叅酌條具下項 一勘會  
將來神主祔廟用卯時八刻後乙時依已降指揮皇  
帝先詣德壽宮行寧神奉辭虞主之禮今欲乞是日  
早二刻開和寧門並北宮門及應合經由門戶 一  
勘會今來神主祔廟皇帝行寧神奉辭虞祭之禮今  
欲乞是日於皇帝行寧神禮之前行壽宮提舉官奏  
請皇太后詣聖神武文憲孝皇帝虞主前行寧神奉  
辭燒香之禮 一勘會已降指揮神主祔廟日皇帝  
詣德壽宮行寧神奉辭之禮文武百僚並合赴太廟  
陪位立班所有從駕臣僚今欲乞止令管軍及應奉

官免赴太廟陪位徑赴從駕俟從駕還內訖以俟赴  
赴奉慰立班詔依

神廟祔廟導引詞

道宮

虞觴奉主仙馭返皇宮禮典極欽崇雲旗前導開清  
龍管咽薰風巍巍堯父告成功追慕孝誠通千秋萬  
歲中興統宗祀與天同

神主祔廟樂章

於皇時宋自天保定高宗受之再僕景命紹開中興  
翼善傳聖何千萬年永綏厥慶

皇帝行寧神禮并奉辭儀

其日儀仗鼓吹儀衛等於德壽門排立定禮直官太

常博士太常卿於幄前立定皇帝自內乘輦至德壽  
宮降輦入几筵殿前御幄簾降俟德壽宮提舉官奏  
請皇太后詣虞主前北向立內侍官啟虞主置於後  
以白羅巾覆之皇太后行寧神奉辭燒香禮如宮中  
之儀訖退次禮直官太常博士引太常卿當幄前俛  
伏跪奏稱太常寺卿臣某言請皇帝行寧神奉辭之  
禮奏訖俛伏興退復位簾捲前導官前導皇帝出幄  
詣几筵殿上褥位西向立奏請拜皇帝再拜訖前導  
官前導皇帝詣聖神武文憲孝皇帝虞主香案前奏  
請皇帝上香再上香三上香又奏請拜皇帝再拜訖  
前導官前導皇帝詣殿門外御幄簾捲禮直官太常  
博士引太常卿於幄前立定次輦官擊腰輿詣几筵

殿下立定禮直官引內謁詣者虞主俛俯跪稱內謁者臣某言請聖神武文憲孝皇帝虞主香案升輿進行奏訖俛伏輿退內侍官啟白羅巾以匱覆虞主訖扶侍夾侍官捧腰輿內侍官捧虞主升腰輿訖輦官擊腰輿進行俟虞主將至宮門御幄簾捲前導官前導皇帝導虞主進行至德壽宮門前導官前導皇帝諸褥位西向立內謁者詣虞主前俛伏跪奏稱內謁者臣某言請虞主少駐奏訖俛伏輿退輦官置虞主腰輿定扶侍夾侍輦官以下並權退俟有司陳香案等畢前導官前導皇帝詣虞主香案前北面奏請拜皇帝再拜訖又奏請皇帝上香再上香三上香又奏請拜皇帝再拜訖前導官前導皇帝歸御幄簾降禮直

官太常博士引太常卿當幄前俛伏跪奏稱太常卿臣某言禮畢奏訖俛伏輿前導官退輦官擊虞主腰輿進引行儀仗鼓吹儀前引禮儀使都大主管官後從赴太廟皇帝乘輦還內如未儀會要四月六日禮部太常寺言將末神主神主初獻差廟行太廟別廟合差官奏告從之同日又言將末神主初獻恩平郡王璩亞獻差漢王士欽終獻差榮陽郡王伯圭同日詔書題祈廟神主差兵部尚書宇文伯



中興禮書第七十卷

凶禮三十六

永思陵三十六

祔廟三

神主祔廟儀

齋戒

前饗十日受誓戒於尚書省並如常饗受誓戒之儀  
祔廟前一日其日祔饗并別廟行事執事官並服吉  
帶赴太廟齋坊幕次

聚茶省牲點饌

並與常饗儀同

點饌畢太廟奉安所捧神主腰輿詣廟南神門外幄  
次并設浴斛案巾香筆墨硯等於幄內

晨裸

祔饗日時前告遷憲節皇后神主詣太廟南神門外  
幄次權行奉安以俟同時祔謁升祔其行事官內合  
赴迎奉者守太廟門出赴德壽宮門俟再拜訖前導  
虞主詣樞星門外下馬步導禮儀使都大主管官從  
虞主至南神門外權安奉訖禮儀使都大主管官前  
導官退歸幕次禁衛更互排立祠祭官引宮闈令詣  
殿下再拜訖開室整拂神幄次引薦香鐙官入詣殿  
下北向再拜訖升殿詣諸室立定有司前期設祭器  
實之皆如夏饗之儀太官令監視訖次引光祿卿詣  
殿下褥位再拜訖升殿點閱畢次引監察御史升殿  
按視訖俱還齋所並服祭服祔饗時將至禮直官引

禮儀使詣神主幄前稍南北向立次禮直官引都大  
主管官詣禮儀使之東北向而立少却次引內常寺  
入幄搯笏捧聖神武文憲皇帝神主詣浴斛跪浴拭  
訖置於香案執笏興退次引題神主官詣幄前盥洗  
位西向搯笏盥手悅手訖執笏入幄詣高宗聖神武  
文憲皇帝神主香案前執笏跪題神主訖執笏興退  
有司漆之次引內常寺詣神主案前搯笏捧神主置  
於腰輿以白羅巾覆之執笏退次引扶侍夾侍官捧  
腰官輿捧神主腰輿次於虞主腰輿訖次引禮儀使  
詣虞主前俛伏跪奏稱禮儀使具官臣某言請高宗  
聖神武文憲皇帝神靈上神主奏訖俛伏興退復位  
立次太廟奉安所捧還神主詣本廟冊寶殿權安奉

次御史臺閣門太常寺分引宰執使文武百僚入詣殿廷分東西相向立北上禮直官贊者分引祔饗行事官詣東神門外揖位立定禮直官贊揖訖俱入就位祠祭官於殿上贊奉神主次引薦香鐙官入室搢笏奉帝主啟匱於後以白羅執笏退歸執事位次引宮闈令搢笏奉后主如上儀以青羅執笏退歸執事位祠祭官於殿上贊奉神主訖俟太史局報時及禮直官引內謁者詣神主幄前西向俛伏奏稱內謁者臣某言請高宗聖神武文憲孝皇帝憲節皇后神主進行奏訖俛伏興次詣神主腰輿前徹巾奉神主入匱訖次贊者引扶持夾侍捧腰輿內侍詣幄捧腰輿進行內謁者前導禮直官引禮儀司都大主管官後

從入南神正門詣泰階下北向禁衛退御史臺閣門太常寺分引宰執使相文武百僚合班北向立定次內謁者詣殿下褥位南向俛伏跪奏稱內謁者臣某言請高宗聖神武文憲孝皇帝憲節皇后少駐俛伏興少退立禮直官引都大主管官先退次禮直官引禮儀使升自泰階設殿上當中褥位北向俛伏跪奏稱禮儀使具官臣某言請高宗聖神武文憲孝皇帝憲節皇后神主祔謁奏訖俛伏興退歸本班位次引宮闈令詣殿下帝后神主腰輿前搢笏捧帝后神主升自泰階殿上當中褥北向啟匱權奉高宗聖神武文憲孝皇帝神主於座以白羅次奉憲節皇后神主如上儀以青羅其匱皆設於座後捧腰輿內侍并扶

侍夾侍官並退宮闈令執笏興少立俟祔謁訖宮闈  
揖跪奉令高宗聖神武文憲孝皇帝神主入匱并奉憲節皇  
后神主入匱興詣高宗室各啟匱奉神主於座各以  
之其匱設於座後宮闈令執笏退歸執事位禮直官  
贊有司謹具請行事贊者曰再拜在位官皆再拜訖  
次引押樂太常卿丞協律郎詣樂架立定次引監察  
御史奉禮郎太祝太官令各升殿就位立定次禮直  
官引初獻詣盥洗位北向立搢笏盥手悅手執笏詣  
爵洗位北向搢笏洗瓚拭瓚訖以瓚授執事者執笏  
升殿僖祖室尊彝所西向立執事者瓚以授初獻初  
獻搢笏跪執瓚執彝者舉罍太官令搢笏跪酌鬱鬯  
訖執笏興先詣宣祖室尊彝所北向立初獻以瓚授

執事者執笏興入詣僖祖室北向立搢笏跪次奉禮  
郎搢笏西向跪執事者以瓚奉禮郎奉禮郎奉瓚授  
初獻初獻執瓚以鬯裸地奠瓚次執事者以幣授奉  
禮郎奉禮郎奉幣以授初獻訖執笏興先詣宣祖室  
前西向立初獻授幣奠訖執笏俛伏興出戶再拜訖  
次詣宣祖室太祖室太宗真宗室仁宗英宗室神宗  
室哲宗室徽宗室欽宗室高宗室次降階詣別廟安  
穆皇后安泰皇后神主之前裸鬯奠幣並如上儀訖  
獲位宮架作興安之樂孝熙昭德之舞九成止既晨  
裸薦香鐙官取毛血奠於神座前太官令取肝以鸞  
刀割牲制之洗於鬱鬯貫之以鬯燎於爐炭薦香燈  
以肝鬯詔於詔神座又以隨祭三祭於茅苴退復位

別廟太  
祝行事

饋食

饗日有司設俎二十有八於神厨各在鑊右進饌者  
 詣厨升羊於鑊載於一俎肩臂膈肫正脊一直脊一  
 肫脊一長脊一短脊一代  
 肫脊一皆二骨以並其載於俎肩臂  
 肫脊一長脊一短脊一代  
 俎豕熟十一  
 體如羊一執事者入設於饌幔內俟初獻既升晨  
 裸捧俎官及執事者捧俎入詣西階下於左右次引  
 兵部尚書工部尚書詣西階下各播笏捧俎升殿宮  
 架作豐安之樂奉俎詣僖祖室前北向奠訖先薦羊  
 次薦豕執笏俛伏興有司設置於豆右腸胃膺之前  
 羊在左豕在右次詣諸室奉俎並如上儀別廟肅俱  
 安之樂  
 降復位立樂止初奠俎訖次引薦香燈官取蕭合黍

稷糲於脂燎於爐炭當饋食之時薦香燈官取苴糲  
 於醢祭於豆間三又取黍稷肺祭如初俱藉以茅退  
 復位次引初獻再詣盥洗位北向立宮架正安之樂  
 作初獻升降行止皆作正  
 安之樂別廟崇安之樂播笏盥手悅手執笏詣洗  
 爵位北向立播笏洗爵拭爵以爵授執事者執笏升  
 殿詣僖祖室酌尊所西向立樂止登歌基命之樂作  
 宣祖室天元之樂太祖室皇武之樂太宗室大定之  
 樂真宗室熙文之樂仁宗室美成之樂英宗室治隆  
 之樂神宗室大慶之樂哲宗室重光之樂徽宗室承  
 元之樂欽宗室端慶之樂高宗室德輝之樂別廟安  
 穆皇后安恭皇  
 后安執事者以爵授初獻初獻播笏跪  
 執爵執尊者舉冪太官令播笏跪酌犧尊之醴齊訖  
 先詣宣祖室酌尊所北向立初獻以爵授執事者執  
 笏興入詣僖祖室北向立播笏跪執爵三祭酒於

茅苴奠爵執笏俛伏興出戶外少立次太祝東向搯  
笏跪讀祝文訖執笏興先詣宣祖室東向立初獻再  
拜次詣諸室并別廟行禮並如上儀太官令復詣僖  
祖室酌尊所太祝復位初獻將降階登歌樂作降階  
樂止宮架樂止復位止文舞退武舞進宮架正安之  
樂作舞者立定樂止次引亞獻詣盥洗位向北立搯  
笏盥手悅手執笏詣爵洗位北向立搯笏洗爵拭爵  
訖以爵授執事者執笏升殿詣僖祖室酌尊所西向  
立宮架作武安之樂禮洽儲祥之舞亞獻詣別廟執  
嘉安之樂  
事者以爵授亞獻亞獻搯笏跪執爵執尊者舉罍太  
官令搯笏跪酌象尊之盞齊訖執笏興先詣宣祖室  
酌尊所北向立亞獻以爵授執事者執笏興入詣僖

祖室北向立搯笏跪執事者以爵授亞獻亞獻執爵  
三祭酒於茅苴奠爵執笏俛伏興出戶外再拜訖次  
詣諸室并別廟行禮並如上儀初亞獻行禮將詣太  
室次引終獻詣洗及升殿行禮并如亞獻之儀訖樂  
止降復位次引太祝徹籩豆籩豆各一俱  
少移故處登歌恭安  
之樂作別廟寧  
安之樂卒徹樂止次引宮闈令束茅訖俱復  
位禮直官曰賜作再拜在位官皆再拜訖送神宮架  
興安之樂作一成止祠祭官於殿下贊奉神主入祐  
室次引薦香燈官搯笏奉帝主入祐室執笏退復位  
次引宮闈令奉后主入祐室並如上儀訖退復位祠  
祭官於殿上贊奉神主入祐室訖次引初獻已下詣  
殿下望座位立定有司取幣束茅置於坎禮直官曰

可瘞真土半坎令本廟宮闈監視次引初獻以下詣  
東神門外揖位立定禮直官贊禮畢揖訖退御史臺  
閣門太常寺分引宰執使相文武百僚以次退太官  
令帥其屬徹禮饌次引監察御史詣殿上監視收繳  
訖還齋所宮闈令閣戶訖以降乃退太常藏祝版於  
匱次光祿卿以昨奉進昨位監察御史就位展視光  
祿卿望闕再拜乃退

四月望日詔門下朕躬秉孝欽夙承貽燕奉玉卮而  
為皇考壽奄及考終秉白雲而至帝鄉寔成逾遠德  
宏莫報痛甚何言遵禮經三年之喪倣古制七月之  
葬祖載馳心於陟岵最塗歲事於因山禹穴高臨愴  
舊朝於玉帛鼎湖遐想歡長闕於衣冠迺者靈馭安

徐霄晨開霽既協涓成之卜訖崇甫寔之封吉仗還  
歸備九虞而奉主新宮登祔綿百世以為宗載念神  
域所居僂游所屆或道塗之涉歷有征役之煩勞流  
澤素深固獲眾多之助輸勤已至可稽寬大之行肆  
酌輿情誕申幄惠高宗聖神武文憲孝皇帝依典故  
可降德音云云於戲商武祀高宗之廟功寔茂於復  
興櫟陽起太上之陵恩廼優於特赦茲對在天之趣  
施貨物之仁尚體哀誠具孚意德主者施行

中興禮書續編第七十一卷

凶禮三十七

永恩陵三十七

几筵

淳熙十四年十月二十二日詔提舉欽奉大行太上  
皇帝几筵可差甘昇十一月六日禮部太常寺言勘  
會今年十一月十四日冬至緣在大行太上皇帝服  
制之內今具申請下項一冬至日乞依十一月旦  
日禮例車駕詣德壽宮大行太上皇帝梓宮前行燒  
香禮如宮中之儀一是日宰率文武百僚詣德壽  
殿入臨次班移進名奉慰皇太后皇帝皇后仍乞是  
日除合後駕官并應奉官隨駕外其沿路逐幕次起



居官權免起居先赴德壽門宮外以俟迎駕起居如

雨霑溼 詔依

十三日詔大行太上皇帝几筵提舉欽奉所主管事務差張宗尹王寔承受差闕禮幹辦諸司差盧安仁王公昌照管几筵前崇奉器皿等差何弼專一照管香火差張延禮劉世亨引押威儀僧道等差張謙符澄

十八日禮部太常寺言勘會來年正旦緣在大行太上皇帝服制之內今具申請下項 一正旦乞依今年冬至日禮例車駕詣德壽宮大行太上皇帝梓宮前行燒香禮如宮中之儀 一是日宰臣率文武百僚詣德壽殿入臨次移班進名奉慰皇太后皇帝皇

后仍乞是日除合從駕并應奉官隨駕外其沿路逐

幕次起居官權免起居先赴德壽宮門外以俟迎駕

起居

如值雨霑

詔依

二十二日內侍陸洵傳奉聖旨指揮已降指揮今月二十六日車駕詣德壽宮大行太上皇帝梓宮前燒香自今後除旦望外遇一五日車駕詣德壽宮大行太上皇帝梓宮前燒香所有輪當面對官權改作四月九日引三十日詔今來欽奉大行太上皇帝几筵應合支使錢物金銀器皿等并料次錢並於御前請降內什物帳設檟截等並令監造司製造應副其諸司合下臨安府等處供應物色並令用御前料次錢收買不得取索

十五年四月十一日詔朕祈請皇太后還內者數四未蒙俞允今早復伸懇切之請恭奉皇太后聖旨先帝享天下之養優二十餘年升遐此宮何忍遽然遷去今几筵又復奉安於北上倘欲還內當俟終制百官宜敬志皇太后聖意

二十三日內侍羅孝純傳奉聖旨指揮恭奉皇太后聖旨自今後遇旦望初八日二十日車駕詣德壽宮高宗皇帝几筵前燒香所有已降一五日車駕詣德壽宮指揮更不施行

十一月十七日禮部太常寺言儉照天聖元年十二月二十五日詔來年正月朔日兩府兩制以上節度使駙馬都尉許入內赴神御殿澆奠照得典故雖不

該載冬至竊緣冬至與正旦事體一同所有今來十一月二十五日冬至并來年正旦欲乞依上件典故并高宗皇帝小祥禮例俟車駕詣德壽宮高宗皇帝几筵前行燒禮如宮中次皇太子行禮畢乞依典故禮例輔臣至六曹權侍郎已上管軍臣僚正任觀察使皇親遥郡防御使已上詣高宗皇帝几筵殿行澆奠之禮其應合排辦事件乞令几筵欽奉所照應小祥奠酌禮例關報所屬排辦施行詔依

御容

淳熙十四年十月十一日喪事都大主管所言據主管傳寫御容黃鑑申今來傳寫御容服色儀制等係干典禮制度乞令太常寺差禮直官一員前來擬定

及差尅擇官一員選定下手日時差並踏逐指差日  
下發遣前來詔依

十五年三月一日禮部太常寺言今條具下項一

將來大行太上皇帝掩攢宮畢乞依禮差太常少卿

迎奉大行太上皇帝御容詣下宮前殿行奉安燒香

之禮一合用祝文一首述以為掩攢宮畢迎奉大

前殿奉并合用御封降真香一合乞差人齋上伴香

并祝文降付紹興府攢宮司一合用供養牙盤食

茶酒果等並乞下紹興府委官計會本官排辦詔依

十四日太常寺言勘會已降指揮將來掩攢宮畢依

禮例差太常少卿迎奉聖神武文憲孝皇帝御容詣

永思陵下宮前殿行奉安禮今來事體至重兼已差

禮使所有是日迎奉御容行奉安燒香之禮自合禮

儀使迎奉赴永思陵下宮前殿行奉安禮詔依

十九日龍圖章天寶文顯謨徽猷敷文閣言準主管

傳寫御容黃鑑牒已降指揮用三月十三日迎奉聖

神武文憲孝皇帝御容二軸赴天章閣并內中神御

殿安奉本閣除已奏聞先次釘設幄殿權行安奉訖

所有內中崇奉本閣收奉事干典故禮欲乞行下太

常寺差禮直官一員日下赴閣供具施行詔依

四月十一日龍圖天章寶文顯謨徽猷敷文閣言近

迎奉到高宗皇帝御容二軸見於本閣幄殿內權行

安奉今據太常寺禮直官具到合行事件下項一

今來收奉并安奉高宗皇帝御容依次序係於東辟

面西顯仁皇后之次其本閣官行燒禮已後並依祖宗諸帝例崇奉一合用御封香五合乞依本閣例於睿思殿外庫請降一合奏告內中祖宗神御一合告遷高宗皇帝御容一合本閣神御一告遷時前本閣官殿收奉一合內中神御殿收奉常服吉帶詣祖宗御并詣內中神御殿行燒香奏告禮畢俟時告遷高宗皇帝御容二軸內一軸天章閣神御殿收奉一軸內中神御殿安奉并乞本閣官行燒香之禮一依例合差儀衛親從五十人及差輦官三十二人自本閣捧擊腰輿至曦殿門所有至日殿門捧擊腰輿至內中神御殿乞差供內儀鸞二十人并人員節級在外乞下所屬差撥就用本處色服本閣官後從一乞下太史局遷收奉安奉吉日時

前告遷高宗皇帝御容吉時并差定時刻擇官一名一恐至日不測陰雨報臨安府排辦雨繳油帊等二副並施雨具一所有奏告告遷收奉合用花瓶麻爐香案匙合炭火并腰輿杆杖衣子等並乞就用本閣排辦供使一本閣門禁並依本宮殿門法所有安奉日差到親從儀衛輦官等欲乞至日權放令入出俟事畢依舊詔依

中興禮書續編第七十二卷

凶禮三十八

永思陵三十八

小祥

淳熙十五年七月五日禮部太常寺言准批下禮寺  
申勘會將來十月八日高宗聖神武文憲孝皇帝小  
祥依禮例諸路州軍縣鎮等處小祥前後合禁屠宰  
三日民庶禁樂七日其禁屠宰合自十月七日至九  
日禁樂合自十月五日至十一日所有小祥日應官  
僚合於佛寺設位集僧道行香候令降指揮下日欲  
乞令都進奏院遍牒施行後批送下令重別契勘申  
尚書省照得高宗皇帝祔廟之後皇帝見服布素百

官未純吉服其臨安府城內外未曾開其樂諸州軍  
縣竊恐未敢用樂不必別設禁樂日限所有禁屠宰  
及官僚於佛寺設位集僧道行香自合令都進奏院  
遍牒施行詔依  
九月十九日禮部太常寺言勘會十月八日高宗聖  
神武文憲孝皇帝小祥今叅酌禮例條具下項  
一  
小祥日欲乞依禮例車駕詣德壽宮高宗皇帝几筵  
前行祭奠之禮如宮中之儀  
一欲乞依禮例小祥  
前後各不視事三日并乞依故事隨不視事日分放  
臣僚見謝辭  
一小祥前欲乞依禮例命輔臣至六  
曹權侍郎以上官軍臣僚正任觀察使皇親暹郡防  
禦使已三上詣几筵殿奠時三日止  
一小祥日欲

乞依禮例俟皇帝詣几筵殿行祭奠之禮畢次宰執  
率文武百僚詣几筵殿行燒香禮畢次移班進名奉  
慰皇太后皇帝皇后訖退  
一欲乞小祥日除合從  
駕官并應奉官隨駕外其沿路逐幕次起居往回並  
免起居徑赴德壽宮門外以俟迎駕起居  
如值雨霑權免  
所有行禮畢車駕還內其從駕臣僚內管軍及應奉  
官欲乞免赴佛寺行香以俟從駕還內其餘文武百  
僚俟禮畢並赴仙林普濟院立班行香訖退仍乞是  
日百司作休務假一日  
一合用御封降真香六合  
五合几筵殿一勘會依祖宗典故小祥前後行在  
合仙林寺行香  
民庶合禁音樂及禁屠宰所有今來民庶並未開樂  
外今欲乞依典故禁屠宰三日係小祥及前後各一

日一小祥日几筵殿皇帝行燒香禮并小祥并輔  
臣奠酌合用花瓶麻爐匙合炭火供養食茶湯酒果  
器皿蠟燭奠茶酒孟子鈔鑪盆臺燭臺湯瓶等乞令  
几筵欽奉所前期關報所屬排辦所有應合用侍班  
幕次并用拜席褥乞令鸞儀司排辦施行 一小祥  
日文武百僚詣仙林普濟院行香所有合用高宗聖  
神武文憲皇孝帝牌位一座用朱漆雕造青地金字  
書寫并覆黃羅夾帊一條繫帶全并合用供養椅桌  
黃羅緣搭席座子卓圍幄次花瓶麻爐供養素食花  
果茶并茶盞託上香炭火奠孟子鈔鑪盆臺蠟燭燭  
臺湯瓶手爐并合差僧道及功德疏行香香圓子等  
并侍班幕次燈燭拜席褥并乞令臨安府同儀鸞司

前期計會太常寺製造排辦釘設施行仍乞令臨安  
府專一委員及差衙前管幹候行香畢所有位牌黃  
帊功德疏乞令臨安府委通判一員俟行禮畢就本  
院內監視焚燒所有合用焚燒位牌等紙五十束並  
柴草各一束亦乞令臨安府所委衙前應辦施行  
一前三日奠儀其日早俟几筵殿排辦供養食香茶  
酒果等訖御史臺閣門太常寺分引輔臣并合赴奠  
酌官詣几筵殿下立班定禮直官揖躬拜在位官皆  
再拜訖禮直官引班首升殿詣几筵香案前播笏上  
香再上香三上香跪奠茶三奠酒執笏俛伏興降階  
復位立禮直官揖躬拜在位官皆再拜訖班退 一  
小祥日燒香儀其日早俟皇帝詣几筵殿行祭奠禮

如宮中之儀畢次御史臺閣門太常寺分引文武百僚詣几筵殿內外立班定禮直官揖躬拜在位官皆再拜訖禮直官引班首升殿詣几筵香案前播笏上香再上香三上香跪執笏降階復位立禮直官揖躬拜在位官皆再拜訖次移班進名奉慰皇太后皇帝皇后訖退詣仙林普濟院行香如忌晨行香之儀訖班退詔依

二十五日禮部太常寺勘會已降指揮十月八日高宗聖神武文憲孝皇帝小祥車駕詣德壽宮高宗皇帝几筵前行祭奠之禮如宮中之儀欲俟禮畢次皇太子行燒香之禮如宮中之儀禮畢次執宰率文武百僚詣几筵殿行燒禮香如詔依

二十八日禮部太常寺言勘會已降指揮高宗聖神武文憲孝皇帝小祥依禮例小祥前後各不視事三日并依故事隨不視事分放臣僚見謝辭今檢照永定陵天聖元年正月十五日禮儀院言二月十九日小祥忌準禮例忌前後三日不視事照忌前後五日各日不視事臣僚朝見謝辭並權放所有今來十月八日高宗皇帝小祥欲乞依前項典故小祥前後五日不視事臣僚朝見謝辭並權放詔依



中興禮書續編第七十三卷

凶禮三十九

永思陵三十九

大祥一

淳熙十五年七月十四日禮部太常寺言準批下秘書省狀太史局申契勘高宗皇帝忌辰未審歷日內合與不合箋注後批送禮部太常寺勘當今檢照紹興三十年已降指揮顯仁皇后箋注立忌檢準紹興三年所降指揮昭慈聖獻皇后依國朝故事大祥後次年合箋注立忌所有將來高宗皇帝箋注立忌今勘當合依前項禮例於淳熙十七年歷日內箋注立忌辰詔依

十六年六月三日禮部太常寺言勘會將來十月八日高宗聖神武文憲皇帝大祥今檢照典禮諸路州府軍監縣鎮合禁樂七日今來緣未曾開樂不必別設禁樂日限外依禮例合禁屠宰三日諸路州府軍監各就寺觀破依省錢請僧道三七人建道場七晝夜散<sup>罷</sup>日設醮一座各拖看經施利錢三十貫道士少處只據人數設醮及依禮例大祥日應官僚合于佛寺設位集僧道行香具建道場合自十月五日至十一日禁屠宰合自十月七日至九日候今降指揮下日令都進奏院遍牒施行詔依八月十一日禮部太常寺言勘會十月八日高宗聖神武文憲孝皇帝大祥今參酌典禮條具下項一

檢照國朝典故天祥日除常祭外將靈座時前躬親扶護几筵東南別設一祭祝文如遺奠之意所有將來高宗皇帝大祥日于除几筵時前奏請至尊壽皇聖帝行祥祭之禮及躬親扶護几筵設祭行禮欲乞並依上件典故施行一檢照國朝典故天聖二年二月十一日入內供奉官羅崇勳言大祥日除皇帝祭奠外未見皇太后祭奠儀注詔以問禮院請俟皇帝祭奠徹饌訖別設香酒時果尚儀詣幄前奏請行禮所有將來高宗皇帝大祥日俟至尊壽皇聖帝詣几筵前行禮畢欲乞依典故令几筵欽奉所別設香茶酒果等奏請皇太后詣詣几筵前行禮一勘會將來高宗皇帝大祥日車駕合詣几筵行祭奠之

禮欲乞是日俟皇太后行禮畢奏請皇帝行祭奠之  
禮一恭覩見今每遇車駕詣高宗皇帝几筵殿燒  
香係易忌日之服所有是日皇帝詣高宗皇帝几筵  
行祭奠之禮易忌日之服伏乞朝廷敷奏取旨施行  
詔依

十二日禮部太常寺言勘會十月八日高宗聖神武  
文憲孝皇帝大祥并禫祭日所服今檢照典禮條具  
下項一檢照紹興八年十二月十七日禮部太常  
寺言將來正月二十五日徽宗皇帝大祥依永定陵  
故事大祥日釋衰服服祥服係服軟素紗軟脚幞頭  
白羅袍黑銀帶至禫祭日釋祥服服禫服係服素紗  
軟脚幞頭淺色黃羅袍黑銀帶所有今來高宗皇帝

大祥日禫祭日至尊壽皇聖帝所服欲乞依上件典  
禮施行一檢照徽宗皇帝大祥禮行禮日皇帝自  
內服衰服出至幄舉哭俟哭止釋衰服服祥服以俟  
行禮以至禫祭日皇帝自內服祥服出至幄舉哭俟  
哭止釋祥服服禫服以俟行禮所有今來高宗皇帝  
大祥日至尊壽皇聖帝服衰服至幄釋衰服服祥服  
行禮并禫祭日服祥服至幄釋祥服服禫服行禮等  
欲乞並依前項禮例施行其合用祥服禫服乞依禮  
例下工部指揮文思院計會重華制造送納一檢  
照國朝天聖二年正月十六日太常禮院言按禮祭  
服弊則焚之衰裳亦當宜焚也今既大祥日皇帝皇  
太后真宗內六宮人衰裳經杖並焚之及紹興八年

十二月二十七日禮部太常寺言徽宗皇帝大祥至日俟釋服訖所有哀服依故例差內侍官一員拘收于利方監視焚燒所有今來高宗皇帝大祥日壽聖皇太后至尊壽皇聖帝壽成皇后並高宗皇帝几筵殿官人所服哀服欲乞依前項禮例差官于利方監視焚燒詔依

二十三日禮部太常寺言勘會十月八日高宗聖神武文憲孝皇帝大祥今參酌典禮條具下項一檢照國朝祖宗大祥日前後殿不視事典故于大祥前後或各三日或各五日勘會將來十月八日高宗皇帝大祥係至尊壽皇聖帝行祥祭之禮及躬親扶護几筵設祭行禮皇帝行祭奠之禮所有皇帝不視事

日分即與典故禮例不同其大祥前五日係輔臣等詣几筵殿奠酌日分今欲乞自大祥前五日皇帝前後殿不視事所有大祥後欲乞三日不視事并乞依故事隨不視事日放臣僚見謝辭一檢會國朝典故大祥月百官起居權羅罷舞蹈所有將來今大祥今欲乞依前項典故自十月一日權罷舞<sub>踏</sub>至月終一檢照國朝典故禮例大祥日羣臣進名奉慰訖退赴佛寺行香今欲乞依典禮施行所有大祥日行禮奉慰畢車駕還內其從駕臣僚內管軍及應奉官俟奉慰畢欲乞免赴佛寺行香以俟從駕還內其餘文武百僚俟奉慰畢並赴仙林普濟院以俟立班行香如忌辰儀訖換吉帶退仍乞是日百司並作休務假

一日一檢會國朝典故大祥日几筵殿除靈座並  
時前禮儀使先行奏告之禮及大祥後間月擇日行  
禫祭合羞都大主管官一員主管一行務事務乞依  
例降飭差人入內侍省省官充其所差禮儀使依  
例太常寺前期申請降勅差官施行詔依  
二十九日禮部太常寺言勘會十月八日高宗聖神  
武文憲孝皇帝太祥今參酌典禮條具下項一檢  
會國朝永昭陵故事三月二十九日大祥自三月二  
十四日輔臣待詔制以上管軍臣僚遙郡觀使皇親  
遙郡防禦使以上奠于福寧殿自是日一奠至二十  
八日羣臣皆入奠及徽宗皇宗大祥禮例應宗室南  
班官並許趨赴並檢照高宗皇帝小祥前命輔臣至

六曹權侍郎以上入奠所有將來十月八日大祥欲  
乞依前項典故禮例自十月三日命輔臣至六曹權  
侍郎以上管軍臣僚郡觀察使應宗室之南班官詣  
高宗几筵殿奠酌自是日一奠至十月七日羣臣皆  
入奠仍乞于羣臣入奠日依故事到闕未見遷官未  
謝已辭未登並聽隨班入班仍于前項奠酌日應奠  
酌官詣幕次並常服黑帶去魚立班奠酌畢歸幕次  
換吉帶退一檢會國朝典故大祥前後京城民庶  
合禁音樂及禁屠宰所有將來民庶並無開樂外今  
欲乞依典故禁屠宰一十二日係自十月二日至十  
月十三日一檢會國朝典故大祥前後停法大辟  
一十二日所有將來大祥今欲乞依典故自十月二

日行在停決大辟至十月十三日一依禮例大祥  
日合設獄一日今欲乞依禮例施行所有合排辦事  
件欲乞令入內侍省報大理寺臨安府排辦其監  
散設獄官依例令御藥院差官施行一檢會國朝  
故事大間祥後間月擇日行禱祭至晦日而除改朔  
從吉今欲乞依上件故事于十二月擇日禱祭十二  
月晦日而除至來年正月一日從吉乞下大史局于  
十二月內擇禱祭日分申太常寺申請朝廷取旨施  
行一合用御封降真香六合內五合輔臣羣臣奠  
香所有十月三日至十月七日奠酌各合用花瓶麻  
爐匙合炭火供養食茶酒果器皿蠟燭奠茶酒孟子  
鈔鑼盆臺湯瓶等乞依例令几筵欽奉所前期閱報

本殿排辦其應合用侍班幕次并拜席褥等乞令儀  
鸞司臨府排辦施行一依禮例行香合用高宗聖  
神武文憲孝皇帝位牌一座用朱漆彫造青地金字  
書寫并畫覆黃羅夾靶一條繫帶全并合用供養椅  
卓黃羅綠搭席座子卓圍幄次花瓶麻爐供養素食  
花果花卉花茶盞托上香炭火奠茶孟子鈔鑼盆臺  
燭臺蠟燭湯瓶手爐并合差僧道及功德疏行香香  
圓子等并侍班幕次炭火拜席褥並乞依昨小祥例  
令臨安府同儀鸞司前期會太常寺製造排辦釘設  
施行仍令臨安府專委官及差衙前營幹候行香畢  
其功德疏文乞令臨安府委通判一員就仙林寺內  
用紙三十束監視焚燒令所差衙前排辦所有位牌

并黃帕等本府權行如法收奉候禫祭并禫除行香  
用畢令本府所委官監視焚燒一輔臣以下奠酌  
儀其日早應合赴立班官並常服黑帶去魚俟几筵  
殿排辦供養香茶食酒果等訖御史臺閣門太常寺  
報班引詣几筵殿下北向立班定禮直官揖躬拜在  
位官皆再拜訖禮直官引班首升殿詣几筵香案前  
搢笏上香再上香三上香跪奠茶三奠酒執笏俛伏  
興降階復位立禮直官揖躬拜在位官皆再拜訖退  
班十月七日羣臣皆入奠其立班官欲乞一勘會將  
隨宜于几筵殿下并殿外兩廊立班  
來焚几筵利方依例下太史局差人指定供報都大  
主管所取旨施行詔依  
同日又言勘會十月八日高宗聖神武文憲孝皇帝

大祥今泰酌典禮其下項一檢照國朝典禮大祥  
日焚几筵畢羣臣常服黑帶奉慰及紹興九年正月  
二十五日徽宗皇帝大祥合赴几筵殿奠酌及奉慰  
立班官俟至殿門外幕次並權易皂帶佩魚立班訖  
歸幕次換吉服退所有將來高宗皇帝大祥欲乞依  
典禮俟焚几筵畢宰執文武百僚就幕次權易黑帶  
詣重華宮立班進名奉慰皇太后次進名奉慰至尊  
壽皇聖帝壽成皇后皇帝皇后訖退一勘會已降  
指揮高宗皇帝大祥日車駕詣几筵殿行奠祭禮易  
忌日之服今照得前項奠酌奉慰禮例文武百僚合  
至殿門外幕次權易黑帶所有是日從駕臣僚係隨  
從車駕今欲乞至日從駕臣僚並吉服從駕及沿路

逐幕次起居官往回並免起居並吉服徑赴重華宮  
門外迎駕起居訖如值雨霑濕權免以俟易黑帶進名奉慰  
立班詔依

九月一日大祥除几筵禫祭都大主管所言據主管  
諸司申判太史局吳澤等狀契勘將來除几筵已選  
定九月六日下手修砌焚几筵博窻殿子一座依故  
例合奏告五方五帝太歲以下諸神排辦物色黃紙  
神位牌套子二十四箇黃紙二十四束白紙二十四  
束雲馬二十四匹馳馬二十四匹香半斤茶酒果各  
一分共二十四分鎮壇五方綵一十五匹其絹顏色  
合用緋黃皂白青各三匹鎮壇錢一十五貫淨水銀  
椀五隻每隻重三兩淨席五領淨衣一套所有壓祭

錢綵銀椀等事畢依禮給賜剋擇禮直官契勘依故  
故例鎮壇錢綵銀椀係戶部下所屬支供其餘物色  
並係臨安府排辦應副詔依

十六日禮部太常寺言勘會十月八日高宗聖神武  
文憲孝皇帝大祥是日皇帝行祭奠之禮今參酌比  
附下項 一合用御封降真香一合 一合用花瓶  
麻爐匙合炭火供養食茶湯酒果器皿蠟燭奠茶酒  
孟子鈔鑼盆臺燭臺等並乞令几筵提舉欽奉所前  
期閱報所屬排辦施行 一奏請前導太常卿替員  
贊引太常卿太常博士一員依禮例輪太常寺官充  
一合差捲簾侍香供進茶酒等內侍官乞下入內  
內侍省差官詔依



同日又言勘會十月八日高宗聖神武文憲孝皇帝  
大祥除几筵時前禮儀使先行奏告之禮今參酌比  
附下項 一合用祝文一首禮儀使大祥除几筵時前  
儀使先行奏告禮之  
意 一合用御封降真香三合 一合差讀祝文官  
一員乞例于郎官內差官充 一禮儀使前一日早  
晚上香并時前奏告行禮合用供養牙盤食茶酒果  
上香炭火乞下諸司排辦其禮畢掌管焚祝文乞從  
几筵欽奉所指揮下本殿預先排辦施行 一禮儀  
使讀祝文官並合用前一日宿齋禮儀使于都堂宿  
齋至日免赴從駕徑赴几筵殿行禮內讀祝文官于本  
司宿齋 一行祥祭禮時前先行奏告禮其太常寺  
祇應人合于行禮時前預行鋪設排辦合來若俟開

門詣几筵殿排設委是排辦不及欲乞令都大主管  
所關報經由至几筵殿門戶至日並比常日早三刻  
開門放令祇應人齋合排辦物件入詣几筵殿排辦  
鋪設祇應免致臨期闕悞 一今來除几筵時前奏  
告并前一日早晚上香禮儀使以下行事官并祇應  
人經由几筵殿入出門戶乞令太常寺開具的確人  
數保明關報几筵提舉欽奉所照會至日放令入出  
施行 一奏告前并一日早晚上香合用木炭蠟燭燎  
草乞下臨安府差衙前排辦計會主管諸司送納詔  
依

*(Faint bleed-through text from the reverse side of the page)*

中興禮書續編第七十四卷

凶禮四十

永恩陵四十

大祥二

淳熙十六年九月六日禮部太常寺言勘會十月八日高宗聖神武文憲孝皇帝大祥依國朝典故是日至尊壽皇聖帝行祥祭之禮今參酌條具下項

一合用祝文一首述以大祥祭奠之意一合用御封降真香

一合用奏請皇太后詣几筵行禮合用御封降香

一合用幣帛一段長以丈八尺小尺一合用御封降香

巾各一條各長一丈一合用御封降香

供一合用差進幣爵酒官一員酌酒官一員乞降

勅差六曹郎官充并合差讀祝文官一員乞降勅差  
史官充 一奏請前導太常卿一員贊引太常卿太  
常博士一員依禮例輪太常寺官充 一大祥并躬  
親扶護几筵行禮依禮例親王宗室使相南班宗室  
陪位 一合差捲簾侍供香供進盤匝悅巾捧爵幣  
等內侍官並乞下入內侍省差官 一進幣爵酒  
官酌酒官讀祝文官前導太常卿贊引太常卿太常  
卿博士並各前一日宿齋於本司陪位親王宗室相  
南班宗室並各前一日宿齋於宗學及踏逐寺院內  
親王於本廳宿齋所有逐官宿齋去處合用幕次倚  
卓什物燈燭炭火等並乞令臨安府同儀鸞司排辦  
施行 一合於几筵殿側設御幄二座於簾黃幕釘

設及合用黃羅拜褥并奏請紫褥並乞下儀鸞司預  
行計置排辦釘設至日供應 一合用香爐匙合上  
香炭火及禮畢掌管焚祝幣燎草火燭等並乞從几  
筵提舉欽奉所行下本殿預行排辦施行 一合用  
牲牢羊豕各一口乞依例下臨安府預行收買赴牛  
羊入滌養餵至時差宰牛手工匠手分等祇應其饌  
造神食工匠乞下御厨差撥祇應 一合用宰殺羊  
豕及饌造神食屋宇及合用鍋竈什物等乞令臨安  
府依例踏逐去處釘設排辦所有安奉御香祝禮料  
酒齋等宿齋幕次欲乞依例於傳法寺釘設施行  
一合用供進盥洗盤匝并藉祭器牙床二張乞令工  
部下文思院製造赴太常寺供應 一合用禮料酒

齋蠟燭燎草藉祭器席等乞從太常寺依例具數報  
臨安府排辦 一將來大祥行禮日竊慮不測值兩  
所有几筵殿前合用露屋欲乞下臨安府同儀鸞司  
計會所屬預先絞傳釘設排辦施行 一所有合用  
禮料祭器牙床并祗應人及般擊祭器等兵士乞從  
太常寺依例具合用數并人姓名開報所屬照會至  
日放令人出排辦施行 一合用擡擊祭器禮料兵  
級一十五人節級一名乞下殿前司差撥詔依  
同日又言勘會十月八日高宗聖神武文憲孝皇帝  
大祥是日除九筵依禮例至尊壽皇聖帝躬親扶護  
几筵東南別設一祭祝文如遣奠之意今參酌比附  
下項 一合用祝文一首 述以除几筵設祭如遣奠之意 一合用御

封降真香一合 一合用幣帛一段 長一丈八尺小

乞下戶部指揮左藏庫支供 一合進幣爵酒官一

員酌酒官一員乞降勅差郎官充并合差讀祝文官

一員乞降勅差史官充 一奏請前導太常卿一員

贊引太常卿太常博士一員依禮例輪太常寺官充

一合差捲簾侍香供進盤匝悅巾捧爵幣祝版執

蠟受爵幣等內侍官乞下入內侍省差官 一合

差扶護几筵內侍官四員乞下入內侍侍省差官

一合用香爐匙合上香炭火及禮畢掌管焚祝幣火

燭及燎草等並乞令几筵欽奉所行下本殿預行排

辦施行 一合用牲牢羊豕各一口乞依例下臨安

府預先收買赴牛羊司入滌養餵至時差宰手手分

等祇應其饌造神食工匠乞下御厨差撥祇應一  
合用禮料酒齋蠟燭燎草藉祭器席等乞從太常寺  
具合用數報臨安府應副一合用焚几筵時刻指  
引利方定時刻擇官乞下太史局差撥祇應一合  
用焚几筵筵窰子乞下修內司計會指引利方刻  
擇官指引修砌一合差焚几筵舉火內侍官一員  
乞合都大主管所差官其合用火燭柴草依例令諸  
司排辦施行一焚几筵合用禁衛班真親從官等  
及僧道於殿門外排立以俟迎引至焚几筵處所有  
禁衛等乞下禁衛所相度差撥其裝著依禮例權服  
紫衫黃帶子所有僧道依例各合差五十人乞令臨  
安府行下僧道正司差撥施行其所差禁衛及僧道

依例禮例前一日絕早赴几筵殿更互排立遇夜約  
出一合用几筵乘座輦輿并擡擎輦官權服緋紫  
衫黃帶子乞下御輦院差撥內輦輿令所差輦官計  
會本殿排辦施行一合用織扇從物等乞令所差  
禁衛輦官計會本殿見管名件執打施行詔依  
同日大祥除几筵禪祭都大主管所言據判太史局  
吳澤等狀勘會將來十月八日焚几筵宜用當日卯  
時八刻後乙時吉即與國音別無妨礙詔依  
二日十三日禮部太常寺言勘會十月八日高宗聖  
神武文憲孝皇帝大祥除几筵時前行奏告之禮并  
大祥日至尊壽皇聖帝行祥祭禮除几筵東南別設  
一祭及禪祭行禮依禮例合差禮儀使一員以宰臣

充各前日於都堂宿齋詔依  
十月一日禮部言準批下太常寺申學士院詔報當  
院近準省劄今來十月八日高宗皇帝大祥除几筵  
至尊壽皇聖帝躬親扶護几筵祝文一首并高宗皇  
帝大祥至尊壽皇聖帝行祥祭禮祝文一首未審祝  
文前各作如何稱呼欲望朝廷劄下太常寺指定以  
憑撰述候指揮劄付太常寺從學士院諮報到事理  
施行今檢照太常因草禮端拱元年八月二日吏部  
侍郎兼祕書監李至至言著作局撰宗廟并諸祠祝  
文皆以尊號冠皇帝上伏尋此禮自唐開元以來有  
之議者不以為宜王涇郊祀錄棄而不載至會昌中  
有司奏宗廟祝文應稱嗣皇帝於時博士同考禮經

遂為定制是祝文不著尊號舊矣竊惟尊號之稱興  
於近世蓋下之歸美於上上不得已而受之然則形  
容尊顯示之臣庶可矣非所以自謂于祖宗之前也  
古者孤寡不穀國君之謙稱答隣國對陪臣皆得通  
焉若謙稱得通于臨下則尊號不容施于奉上臣愚  
以為告饗宗廟當止稱嗣皇帝他祠稱皇帝為得禮  
詔可本寺今勘會依上件典禮尊號雖稱於祖宗之  
前又於典故別無該載所有今來至尊壽皇皇帝行禮  
祝文稱呼今參酌欲乞稱孝子臣御名伏乞朝廷詳  
酌指揮施行後批送禮部詳酌申尚書省本部令詳  
酌欲從太常寺所申事禮理伏乞朝廷速賜指揮劄  
下學士院照會施行詔恭依

六日內侍廊安祖傳宣閣門已降指揮今月八日高宗皇帝大祥除几筵車駕詣几筵前行祭奠禮應在內諸門並比常早一刻開可改作早三刻開會要十月十九日詔已除高宗皇帝几筵奉所官吏請色祇應人各特與舊資白身人吏候有外名目張宗尹開禮合寄資使人內提舉官甘昇乞不與祖帶安仁王公禮張延禮並特與遙階上官轉行王珙特與祖帶安仁王公禮何致並特與遙階上官轉行王珙特與祖帶安仁王公禮既而臣僚言竊見今年三月內因臣僚論列比年崇紹興三十二年申請看詳事遷轉明有礙守續奉聖旨引執宗祥除授馮敷蒙睿斷思若其內有礙守續奉聖旨者亦宜回授除馮敷蒙睿斷思若其內有礙守續奉聖旨人亦為異同則思近法降令並揮而相違戾又于已論之政階也官上與轉行指三揮人張延禮而禮宗尹開人禮惟王公昌為遠郡團練使尚若可以轉行

一階如劉興祖廬安仁何敬則皆為遠郡觀察使既擬止郭果皆近降指揮遙轉以郡觀察使于至遠郡防禦使乎在法自謂此照申月王珙係武義夫尚鄧瑛官可遷即容起檢司八明遂與轉階內侍鄧瑛官可遷即容起檢司八明遂與轉階內法武功大如張國珍如李遷如彭果授如田世王珙是比武大如張國珍如李遷如彭果授如田世王珙則以武義大夫各帶行如數人乞特近之施行一則體處分授王珙內劉興祖安仁王公禮官並與回授盧安仁王公禮庶幾思賞與法祖令並回授盧安仁王公禮書讀詔劉興祖令並回授盧安仁王公禮行上轉

祥祭行禮儀

其日夙興太常入陳祭器供設禮饌几筵殿禁衛僧道于殿門外排立次引進幣爵酒讀祝文酌酒官入

殿及執燭等官並先升殿各就位立定次行禮儀使  
陪位官親王宗室使相南班宗室各入就位禮儀使  
事陪位官供進盤匝等內侍官次禮直官太常博士  
及侍衛之官常服黑帶去魚  
太常卿于至尊壽皇聖帝幄前立定俟至尊壽皇聖  
帝自宮服衰服詣几筵殿側御幄簾降至尊壽皇聖  
帝釋衰服服祥服訖次禮直官太常博士引太常卿  
當幄前俛伏跪奏稱太常卿臣某言請至尊壽皇聖  
帝為高宗聖神武文憲孝皇帝大祥行祥祭之禮奏  
訖俛伏興退復位簾捲前導官前導至尊壽皇聖帝  
出幄舉哭在位官詣殿上禋位皆舉哭西向立奏請拜至尊  
壽皇聖帝再拜在位官皆再拜訖內侍進盤各執盤  
匝悅巾以進奏請至尊壽皇聖帝盥手內侍進盤匝

沃水至尊壽皇聖帝盥手內侍進巾奏請悅手至尊  
壽皇聖帝悅手訖內侍進爵沃水奏請至尊壽皇聖  
帝洗爵內侍進巾奏請拭爵至尊壽皇聖帝拭爵訖  
前導官前導至尊壽皇聖帝詣高宗聖神武文憲孝  
皇帝几筵前禋位立奏請跪上香再上香三上香進  
幣爵酒官搯笏跪先進幣次進爵酒又奏請受幣奠  
幣執爵三祭酒於茅苴奠爵俛伏興奏請少立哭止  
在位官讀祝文官搯笏跪讀祝文訖奏請拜至尊壽  
皆哭止皇聖帝再拜在位官皆再拜訖前導官前導至尊  
壽皇聖帝還禋位西向立奏請拜至尊壽皇聖帝再  
拜在位官皆再拜訖前導官前導至尊壽皇聖帝歸  
幄簾降次禮直官太常博士引太常卿當幄前俛伏



跪奏稱太常卿臣某言禮畢奏訖俛伏興退復位前  
導陪位等官並權退次引禮儀使執事官詣望燎位  
立俟焚燎祝幣訖權退太常徹祭器禮饌訖俟几筵  
欽奉所別設香茶酒果等訖慈福官提舉官奏請皇  
太后行禮畢退次又設香茶酒果等以俟皇帝行祭  
奠之禮如別儀

### 皇帝行祭奠禮儀

其日文武百僚不係從駕者並先赴重華宮門外以  
俟迎駕起居其日應在內諸門欲乞並比常早三刻  
開皇帝服忌日之服御後殿從駕臣僚禁衛起居如  
常儀從駕臣僚禁衛等並吉服從駕往回內有合赴  
几筵殿立班皇帝降御座乘輦將至重華宮文武百僚迎駕兩拜

起居訖權退歸幕次換常服黑帶去魚以俟奉慰立  
班如值兩雷  
濕免起居皇帝至重華宮降輦入詣高宗皇帝几

筵殿側御幄簾降俟至尊壽皇聖帝行祥祭禮畢及  
皇太后行禮畢退別設香茶酒果等訖次引供祠執  
事內侍官先升殿各就位立定次禮直官太常博士  
太常卿於皇帝幄前立定次引禮儀使陪立官親王  
宗室使相南班宗室各入就位次禮直官太常博士  
引太常卿當幄前俛伏跪奏稱太常卿臣某言請皇  
帝為高宗聖神武文憲孝皇帝大祥行祭奠之禮奏  
訖俛伏興退復位簾捲前導前導皇帝出幄詣殿上  
褥位西向立奏請拜皇帝再拜在位官皆再拜訖前  
導官前導皇帝詣高宗聖神武文憲孝皇帝几筵香

案前褥位立奏請上香再上香三上香內侍以茶酒  
跪進又奏請跪奠茶三奠酒俛伏興又奏請拜皇帝  
再拜在位官皆再拜前導官前導皇帝還褥位西向  
立奏請拜皇帝再拜在位官皆再拜訖前導官前導  
皇帝歸幄簾降次禮直官太常博士引太常卿當幄  
前俛伏跪奏稱太常卿臣某言禮畢奏訖俛伏興退  
復位立禮儀使前導陪位等官並權退以俟至尊壽  
皇聖帝行除几筵之禮如別儀訖皇帝還內如來儀

### 除几筵行禮儀

其日焚几筵時前俛伏行祥祭禮畢及皇太后皇帝行  
禮畢次禮直官太常博士太常卿於卿當幄前俛伏  
跪奏稱太常卿臣某言請至尊壽皇聖帝躬親扶護

几筵奏訖俛伏興退復位簾捲前導官前導至尊壽  
皇聖帝出幄詣殿上褥位西向立奏請拜至尊壽皇  
聖帝再拜舉哭前導官前導至尊壽皇聖帝躬親扶  
護神御內侍分左右扶護至東南權安奉訖哭止前導官前

導至尊壽皇聖帝歸幄簾降前導官于幄前立定次  
太常入陳祭器供設禮饌訖次引進幣爵酒讀祝文  
祝酒官執燭等官先升殿各就位立定次引禮儀使  
陪臣官親王宗室使相南班宗室各就位次禮直官  
太常博士引太常卿當幄前俛伏跪奏稱太常卿臣  
某言請至尊壽皇聖帝為高宗聖神武文憲孝皇帝  
大祥除几筵行祭奠之禮奏訖俛伏興退復位簾  
捲前導官前導至尊壽皇聖帝出幄舉哭在位官皆舉哭詣

殿上褥位西向立奉請拜至尊壽皇聖帝再拜在位  
官皆再拜訖內侍各執盤匱悅巾以進奏請至尊壽  
皇聖帝盥手內侍進盤匱沃手水至尊壽皇聖帝盥  
手內侍進巾奏請悅手至尊壽皇聖帝悅手訖內侍  
進爵奏沃水奏請至尊壽皇聖帝洗爵內侍進巾奏  
請拭爵至尊壽皇聖帝拭爵訖前導官前導至尊壽  
皇聖帝詣高宗聖神武文憲孝皇帝几筵前褥位立  
奏請跪上香再上香三上香進幣爵酒官搯笏跪先  
進幣次進爵酒又奏請受幣奠幣執爵三祭酒於茅  
苴奠爵俛伏興奏請少立哭止在位官皆哭止讀祝文官搯  
笏跪讀祝文訖奏請拜至尊壽皇聖帝再拜在位官  
皆再拜訖前導官前導至尊壽皇聖帝還褥位西向

立奏請拜至尊壽皇聖帝再拜在位官皆再拜訖前  
導官前導至尊壽皇聖帝歸幄簾降次禮直官太常  
博士引太常卿當幄前俛伏跪奏稱太常卿臣某言  
禮畢奏訖俛伏興退復位簾捲至尊壽皇聖帝出幄  
還宮前導陪位官退次引禮儀使執事官詣望燎位  
立俟焚祝幣訖退次引親王宗室使相南班宗室詣  
殿下分左右立次引禮儀使升詣几筵前俛伏跪奏  
稱禮儀使臣某言請高宗聖神武文憲孝皇帝几筵  
降座升輦輿奏訖俛伏興少退東向立內侍扶護几  
筵升輦輿輦官捧擎進行親王宗室使相南班宗室  
分左右導引禁衛援衛及僧道作法事迎引禮儀使  
後從至焚几筵處俟輦輿過退有司俟時焚訖並退

中興禮書續編第七十五卷

凶禮四十一

永思陵四十一

禫祭

淳熙十六年十月三日禮部太常寺言據太史局申禫祭日宜用十二月十七日壬寅吉即與國音別無妨礙詔依

十一月二十三日禮部太常寺言勘會已降指揮高宗聖神武文憲孝皇帝大祥後間月擇日至尊壽皇聖帝親行禫祭之禮今參酌比附下項一禫祭日欲乞依大祥禮例俟至尊壽皇聖帝詣高宗聖神武文憲孝皇帝神位前行香畢皇太后行燒香禮俟行

禮畢皇帝行燒香禮並如宮中之儀所有合用茶酒  
果等欲乞令禫祭主管諸司排辦施行 一檢會國  
朝典禮行禫祭禮日前後各一日不坐其日不視事  
今欲乞依上件禮例施行 一行禮日依禮例親王  
宗室使相南班宗室陪位 一檢照紹興九年徽宗  
皇帝禫祭禮例行禫祭禮係除几筵之後其禮儀使  
并行事前導陪位官供執事內侍及扈從官依禮例  
並合常服紅鞞帶立班行事所有今來高宗聖神武  
文憲孝皇帝禫祭係除几筵之後其禮儀使并行事  
前導陪位官供祠執事內侍官及扈從官欲乞依前  
項禮例並常服紅鞞帶立班 內有佩魚  
者依舊 行事 一檢  
會國朝典禮禫祭日羣臣進名奉慰所有今來高宗

聖神武文憲孝皇帝禫祭日欲乞依典禮俟行禮畢  
宰宰執文武百僚并常服入詣重華宮立班進名奉  
慰皇太后至尊壽皇聖帝壽成皇后皇帝皇后訖退  
赴仙林普濟院以俟立班行香如忌辰儀訖退仍乞  
是日百司並作休務假一日 一是日車駕詣高宗  
聖神武文憲孝皇帝神位前行燒香禮欲乞沿路逐  
幕次起居官往回並免起居徑起赴重華宮門外迎  
駕起居訖 如值雨霽  
濕權免 俟立班進名奉慰畢車駕還內  
其從駕臣僚內官軍及應奉官欲乞免赴佛寺行香  
以俟從駕還內 一合差進幣爵酒官一員酌酒官  
一員乞降勅差郎官充并合差讀祝文官一員乞降  
勅差史官充 一奏請前導太常卿一員贊引太常

卿太常博士一員依禮例輪太常寺官充一禪祭  
行禮合用御封降直香一合所有皇太后皇帝行燒  
香禮合用御封降直香二合禮之意一合用幣帛一段長一丈八尺小尺以幣白絹充乞令戶  
部指揮左藏庫支供一合于行禮殿側設御幄二  
座施簾並用黃幕釘設及合用黃羅拜褥并奏請紫  
褥並乞下儀鸞司排辦釘設施行一行禮日合用  
高宗聖神武文憲孝皇帝位牌一座乞指揮下臨安  
府預先用朱漆雕造青地金字書寫用黃羅夾帊繫  
帶製造訖前二日付禪祭都大主管所送納行下諸  
司收奉候禮畢令臨安府排辦白紙三十束并柴  
草各一束隨位牌祝版令禪祭諸司掌管焚燒施行

并依禮例合于舊几筵殿設位及合用香案御倚子  
一隻倚背座子脚踏子全花瓶麻爐匙合蠟燭臺等  
乞令禪祭都大主管所行下諸司關報所屬排辦施  
行一合用牲牢羊豕各一口乞依例下臨安府預  
預先收買赴牛羊司入滌養餵前一日差宰手工匠  
手等祇應其饌造神食工匠乞下御厨差撥祇應  
一合用宰殺羊豕及饌造神食屋宇及合用鍋灶什  
物等乞令臨安府依例踏逐去處釘設排辦所有安  
奉御封香祝禮料酒齋等宿齋幕次欲依例於傳法  
寺釘設施行一合用上香炭火及禮畢掌管焚祝  
幣燎草火燭等並乞從禪祭都大主管所行下諸司  
預行排辦施行一合差捲簾侍香供進盤匝悅巾

捧爵幣祝版執燭受爵幣等內侍官並乞下入內內侍省差官 一禮儀使行事官前導官並各前一日齋宿於本司陪位親王宗室使相南班宗室各前一日宿齋於宗學及踏逐於寺院內親王於本廳宿齋所有前項官宿齋去合處用幕次椅卓什物等並乞令臨安府同儀鸞司釘設排辦施行 一所有合用禮料祭器牙床祇應人及般擊祭器等兵士乞從太常寺依例具合用數并人姓名關報所屬照會至日放令入出排辦施行 一合用禮料酒齋蠟燭燎草藉祭器席等並乞從太常寺依例具數報臨安府排辦 一合用擡擊祭器禮料兵級一十五人節級一名乞下殿前司差撥於行禮前五日到事畢發遣 一

禪祭日文武百僚赴仙林普濟院行香合用牌位就用大祥位牌外所有合用供養倚卓黃羅綠搭席座子卓圍帷次花瓶麻爐供養素食花果茶并茶盞託上香炭奠火茶孟子鈔鑼盆臺燭臺蠟燭湯瓶手爐并合差僧道及功德疏行香香圓子等并侍班幕次炭火拜席褥等並乞依大祥禮例令臨安府同儀鸞司前期計會太常寺排辦釘設施行詔依十二月十五日禮部太常寺言勘會十二月三十日高宗聖神武文憲孝皇帝禪除日今參酌禮例下項 一檢會國朝典故禪祭後至晦日而除前一日不坐其日不視事文武百僚進名奉慰訖詣佛寺行香所有將來十二月三十禪除欲乞依前項故事施行

是日宰執率文武百僚詣宮華宮立班進名奉慰壽聖皇太后至尊壽皇聖帝壽成皇后訖退詣仙林普濟院以俟立班行禮香如忌辰儀訖退一合用御封降真香一合一依禮例行香合用高宗聖神武文憲孝皇帝位牌帊帶全除位牌就用大祥位牌外所有合用供養倚卓搭席座子卓圍帷次花瓶麻爐供養素食花果并茶盞托上香炭火奠茶孟子鈔鑪盆臺燭臺蠟燭湯瓶手爐并合差僧道功德疏行香香圓子等并侍班幕次燈燭炭火拜席褥等並令臨安府同儀鸞司前期排辦釘設施行仍令臨安府專委官及差衙前管幹候行香畢所有位牌黃帊功德疏乞令臨安府委通判一員就仙普濟院內監視焚

燒位牌等紙五十束柴草各一束乞令臨安府所差衙前應辦施行詔依

禪祭行禮儀

其日夙興太常入陳祭器供設禮饌次引進幣爵酒讀祝文酌酒官執燭等官先升殿各就位立次禮直官引禮儀使陪位親王宗室使相南班宗室各入就位立定禮直官太常博士太常卿於帷前立定俟至尊壽皇聖帝自宮服祥服詣禪祭行禮殿側御帷簾降至尊壽皇聖帝舉哭俟哭止釋祥服禪服素紗軟幘頭淺色黃羅袍黑銀帶訖次禮直官太常博士引太常卿當帷前俛伏跪奏稱太常卿臣某言請至尊壽皇聖帝為高宗聖神武文顯孝皇帝行禪祭之禮



奏訖俛伏退興復位簾捲前導官前導至尊壽皇出  
幄詣殿上禱位西向立奏請拜至尊壽皇聖帝再拜  
在位官皆再拜訖內侍各執盤匝悅中以進奏請至  
尊壽皇聖帝盥手內侍進盤匝沃水至尊壽皇聖帝  
盥手內侍進巾奏請悅手至尊壽皇聖帝悅手訖內  
侍進爵沃水奏請至尊壽皇聖帝洗爵內侍進巾奏  
請拭爵至尊壽皇聖帝拭爵訖前導官前導至尊壽  
皇聖帝詣高宗聖神武文憲孝皇帝禱位前立奏請  
跪上香再上香三上香進幣爵酒官搢笏跪先進幣  
次進爵酒又奏請受幣奠執爵三祭酒於茅苴奠爵  
俛伏興奏請少立讀祝文官搢笏跪讀祝文訖奏請  
舉哭拜至尊壽皇聖帝舉哭再拜在位官皆舉哭再

拜訖哭止前導官前導至尊壽皇聖帝還禱位西向  
立奏請拜至尊壽皇聖帝再拜在位官皆再拜訖前  
導官前導至尊壽皇聖帝歸幄簾降次禮直官太常  
博士引太常卿當幄前俛伏跪奏稱太常卿臣某言  
禮畢奏訖俛伏興退復位簾捲至尊壽皇聖帝出幄  
還宮次前導官陪位官退次引禮儀使執事官詣望  
燎位立俟炷燎祝幣訖以俟奉慰并赴仙林普濟院  
立班行香訖退

中興禮書第七十六卷

凶禮四十二

永思陵四十二

釋服

淳熙十四年十月二十六日禮部太常寺言勘會今  
未大行太上皇帝升遐已降指揮御前禁衛行門班  
直親從快行親事輦官等自成服日前並服青紫或  
褐衫帶子至釋服日前並依舊自成服日至釋服日  
前如遇朝殿亦服青紫或褐衫帶子并自成服日至  
釋服日前所有輦輿并御龍直執打從物等權行用  
淺黃色色裏及依典故將來皇帝聽政在祥禫內羣  
臣更不易服至禫服畢文武百官有繫金玉帶及佩

魚者并易以黑帶仍去魚其乘花繡鞵狨座者并易以阜鞵俟祔廟畢引降指揮契勘今年十一月四日禫除畢緣百官服常服黑帶其前項禁衛等所服紫衫黃帶子欲乞俟將來祔廟畢別降指揮所有輦輿并執打從物等見用淺黃色色裹一節伏乞朝廷取旨施行詔並候祔廟畢取旨

十六年二月二日禮部言二月二日皇太子即位宰執率文武百僚起居稱賀宰執升殿奏事畢新皇帝興放仗次皇帝陛下常服後殿坐新皇帝侍立引應奉導駕官起居訖相繼登輦同詣重華宮臣僚依舊導從俟新皇帝回宮導從如常儀其從衛及官吏服飾鞵帶佩並純吉詔令有司照會施行

八月十二日禮部太常寺言今條具下項一檢照紹興八年十二月十七日禮部太常寺將來正月二十五日徽宗皇帝大祥依永定陵故事大祥日釋衰服服祥服係服素紗軟脚幘頭白羅袍黑銀帶至禫祭日釋祥服服禫服係服素紗軟脚幘頭淺色黃羅袍黑銀帶所有今來高宗皇帝大祥日并禫祭日至尊壽皇聖帝所服欲乞依上件典禮施行一檢照國朝天聖二年正月十六日太常寺禮院官按禮祭服幣則焚之衰裳亦當宜焚也今請大祥日皇帝皇太后真宗內六宮人衰裳經杖並焚之及紹興八年十二月十七日禮部太常寺言徽宗皇帝大祥至日俟釋衰服訖所有衰服依故例差內侍官一員拘收

於利方監視焚燒所有今來高宗皇帝天祥日壽聖  
皇太后至尊壽皇聖帝壽成皇后并高宗皇帝几筵  
殿宮人所服欲乞依前項禮例差官於利方監視焚  
燒詔依

請舉樂

淳熙十六年十一月二十五日禮部太常寺言今具下  
項一國朝典故從吉日宰執率文武百僚拜表請  
舉樂降詔允日遇宴作樂一國朝故祔廟畢民庶  
聞樂昨降指揮高宗皇帝祔廟畢民間合候百官純  
吉服日方許開樂今來宰執并百僚自二月二日並  
已純吉服一恭親至尊壽皇聖帝躬行三年之喪  
係於十二月十七日行禫祭禮至三十日除禫皇帝

亦未舉樂即與國朝典故事體不同所有民庶開樂  
比之祔廟典故及迎降候百官純吉服指揮已合施  
行今指定欲乞十二月十七日禫祭行禮畢自十二  
月十八日民庶樂開外今來已降指揮來年正月十  
一日奉上尊號冊寶合設宮架樂并合用導引鼓吹  
若依典故係從吉後拜表請舉樂今欲乞朝廷詳酌  
施行一所有將來拜表係從朝廷定日宰執率文  
武百僚詣東上閣門拜表請皇帝舉樂所有重華宮  
受冊聽樂乞候今降指揮下日別行條具申請朝廷  
指揮施行詔依

十二月八日禮部太常寺言準批下為拜表自來年  
正月一日因奉上尊號冊寶請皇帝舉樂并拜表請

重華宮受冊聽樂事送禮部太常寺別行條具依典  
故合於從吉後拜表請舉樂照得今來事體即與國  
不同兼今來已降指揮自十二月十八日民庶開樂  
今欲乞於十二月十八日以後從朝廷定日宰執率  
文武百僚先詣東上閣門拜表謝皇帝自來年正月  
一日因奉上尊號冊寶舉樂同日宰執率文武百僚  
詣重華宮拜表請至尊壽皇聖帝聽樂受冊其合用  
表文乞令禮部修撰詔依

十二日太常寺言今開具拜表日分十二月二十日  
欲乞宰執文武百僚先詣東上閣門拜表次詣重華  
宮拜表二十一日宰執文武百僚先詣東上閣門聽  
批答次詣重華宮聽批答如重華宮未允就拜第二

表二十二日宰執文武百僚詣重華宮聽批答如未  
允欲乞朝廷敷奏降指揮用二十三日皇帝率百僚  
詣重華宮拜表二十四日宰執文武百僚詣文華殿  
聽宣布詔依

十四日尚書省劄子太常寺言勘會已降指揮節文  
十二月二十日拜表請自來年正月一日為奉上尊  
號冊寶舉樂今契勘東上閣門拜表訖合集官詣文  
德殿聽批答重華宮拜表訖合集官詣重華宮聽批  
答所有逐項批答並乞降付閣門閱報集官施行伏  
乞朝廷揮施行右已劄下御史臺閣門從所申事理  
施行外今劄付寺照會施行準此  
十六日禮部太常寺言今條具下項 一勘會今未

宰執率文武百僚詣重華宮拜表其表文已降指揮  
合今禮部修撰所有合用批答乞下學士院修撰  
一十二月二十三日皇帝率百僚詣重華宮拜表其  
合用表文乞下學士院前期修撰進書訖降付御藥  
院以俟駕詣重華宮奉表供進俟奉表畢重華宮合  
降誥亦乞令學士院修撰一欲乞是日皇帝服鞞  
袍自後殿乘輦應從駕臣僚禁衛等起居如常儀以  
俟從駕至重華宮內不係從駕臣僚先詣重華宮門  
外迎駕起居訖先入詣殿門內外立班如值雨霑溼  
及隨宜於廊上立班俟皇帝詣重華宮降輦奉表入宮如宮中  
之儀次報從駕文武官詣殿下立班定揖班首以下  
躬贊者曰拜在位官皆再拜訖退內合赴迎駕起居

官赴却赴逐次以俟迎駕奏聖躬萬福內合從駕官  
仍俟從駕還內詔依  
十八日太常寺言勘會已降指揮十二月二十日宰  
執文武百僚詣東上閣門拜表請舉樂今來文德殿  
隔門外如值雨地面霑溼難以立班又緣東廊上釘  
設百官幕次委有相妨今欲乞於文德殿下立班拜  
表詔依

二十日請皇帝舉樂表春秋重改元法蓋先於五始  
君子不為樂古無越於三年請為王言冀民同樂恭  
維皇帝陛下系隆列聖娛侍三宮綿宇屬心既極謳  
歌之載重華盡孝尚承過密之餘願烈祖之報厚莫  
重焉然文孫之制期已久矣况復高廟即安於神御

壽皇俯和於祥琴下逮都人志除樂禁新王春而建  
號進寶冊以歸尊願飭有司各揚乃職鏘八音而應  
律肅萬舞以充庭仰奉重親益見慈顏之喜下孚眾  
聽普臻和氣之祥批荅省表具之朕仰奉慈謀丕揚  
聖孝粵惟備道務必守於禮經爰在續圖敢遽皇於  
樂紀顧中心之祇惕勞列辟之懇祈今將發大冊以  
尊親會新元而歲事冀陳和奏用舉上儀三載四海  
之遏音固無踰於吉制六律五聲之在治當俯順於  
羣情所請宜允

同日至尊壽皇聖帝聽樂拜第一表高踏萬乘聿重  
協帝之華躬行三年曲盡慕親之孝矧將陳於冊寶  
盍備舉於樂章爰率具僚仰干淵聽恭維至尊壽皇

聖帝陛下怡神於淡游物之初惟付託之得人宜燕  
頤而養性方且羹墻在念疏素以居既已光舜禹之  
傳乃親為曾閔之行期可久矣必欲加降祥而祀御  
然尚云寧戚顧平時不好世俗之樂豈今日忍聞堂  
上之歌然而和琴俯就於成聲鑽燧再經於改火不  
應慈極尚遏諧音伏望酌先王制禮之中念聖子承  
顏之養居處笑語寔寬追遠之思鐘鼓莞絃益致導  
和之美批荅省表具之德之大者思則無窮恩之隆  
者報焉周極仰惟皇之盛烈實興堯帝而同符凡蒙  
如天之仁舉切望雲之感外薄四海過密八音而况  
荷生育之深恩承揖遜之休命務行三年之制用協  
禮經乃釋萬幾之繁以專孝幕甫茲祥禫之云畢寧

忍宮商之遽聞卿等載考舊章備陳來奏顧哀情之未泯詎悅請之可從所請宜不允

二十一日請至尊壽皇聖帝聽樂拜第二表三年執禮已經徒月之期五日受朝當備鈞天之奏援彝章而有請闕俞旨而未頒事恐久稽義須再瀆竊帝舜既命大禹猶欲六律五聲之聞漢皇上壽未央亦以萬歲大笑為樂蓋已應天下之養蓋具舉朝廷之儀若稽舊章允稱盛際恭惟至尊壽王聖帝陛下道高物表德邁古先既全與子之明尤盡因心之孝謂大宗就簡遽為三十六日之期而晉武欲為莫起數百餘年之陋出於獨斷高掩前聞羣臣仰體於聖心薦歲忍形於奏牘迨茲即吉乃敢發端既已過音於

三載之餘正當成歌於十日之後况卜元正之吉將新徽號之隆倘非廣奏於和聲何以崇成於禱典恭聞南國將騰聽樂之章欽想東朝亦望承顏之樂仰祈睿旨俯狗輿情批荅省表具之禮固貴乎適中情亦難於驟變是以禫而不樂聖人嘉其合宜祥而遽歌君子議其未盡欽想堯慈之如在倏驚義御之不留免循吉制之文蓋迫先王之典若衣冠之飾寢可復常至鐘鼓之音所未遑聽聞封章之沓至諒誠懇之彌勤惟其隱之吾心而弗安故欲循夫眾志而莫獲宜體茲諭勿復有陳所請宜不允

二十三日皇帝率文武百僚請至尊壽皇聖帝聽樂表伏以聖人之德何以加仰孝思之曲盡天子之父



尊之至期樂奏之具陳慈尚闕於俞綸取躬敷於懇  
牘竊以三年曠制自漢世而莫行九奏遏音在虞朝  
而既舉顧執禮必追於隆古宜成聲無越于吉期恭  
維至尊壽皇聖帝陛下智察人倫愛鍾天性懋揚  
烈念常軫於羹墻寅薦宗枋時寢深於霜露屬當終  
制備極純誠祥五日而琴瑟聞往日哲禪徙月而樂  
宴驗前言肆殫臣子之忱辭祈展庭闈之丕奉伏望  
聖御垂聰聽溥協輿情張咸池之樂於洞庭用觀道  
妙受聖皇之冊於興慶益封壽祺允誥性適道真方  
以冲虛澹泊為貴心存孝慕忍聞鏗鏘節奏之和比  
百辟之輸忠貢累章而有請願遵徙月之制復舉在  
庭之音情所未安諭言已悉乃今吾子親率朝紳謂

典冊之將行據禮經而申述懇勤備罄欽愛有加勉  
深誠姑抑素志

中興禮書續編第七十七卷

凶禮四十三

永思陵四十三

塑製奉安神御一

淳熙十六年七月二日禮部太常寺言勘會今來高宗聖神武文憲孝皇帝大祥前依禮例差官主管塑製神御於大祥後迎奉神御赴景靈宮并萬壽觀安奉及合塑製憲節皇后神御一就迎奉赴景靈宮安奉今具下項一合塑製高宗聖神武文憲孝皇帝神御三位今欲乞依景靈宮并萬壽觀見安奉會聖宮啟運宮徽宗皇帝神御體式制度塑製并合塑製憲節皇后神御一位今欲乞依景靈宮見安奉顯仁

皇后神御體式制度塑製仍乞令所差塑製官一面會問逐處體式制度施行 一將來安奉高宗聖神武文憲孝皇帝神御三位其次序內一位於景靈宮欽宗皇帝神御之次安奉內會聖宮啟運宮二位依禮例權於萬壽觀欽宗皇帝神御之次所有安奉憲節皇后神御次序合於景靈宮顯仁皇后神御之次奉安其安奉帳座等事件乞令景靈宮主管所並萬壽觀預行措置施行 一將來安奉高宗聖神武文憲皇帝神御三位各合用香案香爐匙合花瓶黃羅繖扇黃絹油雨繖等乞令塑製神御所一面會問景靈宮萬壽觀依昨塑製欽宗皇帝神御下名件施製造施行 一將來安奉憲節皇后神御一位合用腰

輿香案香爐匙合花瓶紅爐繖扇紅絹油雨繖等乞令塑製神御所一面會問景靈宮依昨塑製顯仁皇后神御下名件製造施行 一依故事於大祥前差入內內侍省省官一員充都大主管塑製神御于大祥後擇日迎奉赴景靈宮安奉所有今來塑製高宗聖神武文憲孝皇帝神御三位憲節皇后神御一位乞依禮例降勅差入內內侍省省官一員充都大主管所有塑製去處乞令所差塑製官取旨施行詔依四日塑製高宗聖神武文憲孝皇帝憲節皇后神御都大主管所言契勘昨來塑製徽宗皇帝神御三位顯恭皇后神御一位顯肅皇后神御一位並昨塑製顯仁皇后神御及欽宗皇帝神御並係於中內儀鸞

塑製今來塑製高宗聖神武文憲皇帝神御三位憲  
節皇后神御一位所有塑製去處詔依例于儀鸞司  
塑製

同日入內內侍省押班李裕文言準勅差塑製高宗  
聖神武文憲孝皇帝憲孝皇后神御都大主管所有  
其餘應干合行事件差取人物等欲乞並依昨塑製  
徽宗皇帝顯恭皇后顯肅皇后神御前後已得指揮  
體例施數內提轄造作生活官合差四員今乞減一  
員內監官合差二員乞令減一員催促趕辦事務使  
臣合差四員今乞減一員主管文字使臣合差十一  
人今乞減五人書寫奏報文字合差五人今乞減二  
人禮直官合差四人今乞減二人投送文字親事官

合差六人乞令減二人詔依

八日禮部太常寺言勘會已降指揮塑製高宗聖神  
武文憲孝皇帝神御三位依景靈宮並萬壽觀見安  
奉會聖宮啟運宮徽宗皇帝神御體式製度塑製并  
合塑製憲節皇后神御一位依景靈宮見安奉顯仁  
皇后神御體式製度塑製今檢照紹興九年塑製徽  
宗皇帝順恭皇后顯肅皇后神御係會到景靈宮奉  
安神宗皇帝哲宗皇帝神御並係漆塑戴幘頭寬袖  
淡黃服底現紅銷金領袖塑出紅鞵作素玉帶黑鞵  
尖白底通袖不現手欵聖憲肅皇后昭懷皇后神御  
並係漆塑首飾花環六插冠並用假珠子結圈青雉  
朱衣履革帶內會聖宮啟運宮神宗皇帝哲宗皇帝

神御係以漆胎彩繪裝塑頂通天冠服絳紗袍方心  
曲領環佩朱履等並如禮制執玉圭坐龍椅所有今  
來塑製高宗聖神武文憲孝皇帝憲節皇后神御欲  
乞並依上件禮制施行詔依

二十八日塑製高宗聖神武文憲孝皇帝憲節皇后  
神御都大主管所言據塑製神御所申太史樂中道  
等狀契勘將來塑製神聖武文憲孝皇帝憲節皇后  
神御取土并水草去處故例合行祭告五方五帝太  
歲帝君后土諸神合用神位套子二十四箇位牌二  
十四个香茶酒果各二十四分金紙六束白紙一十  
八束雲馬二十四疋鎮壇綵一十五疋鎮壇錢一十  
五貫淨水銀碗五隻每隻各重三兩淨席五領故例

內銀絹錢係戶部支給其餘物色並令臨安府排辦  
應副禮畢內鎮壇錢絹銀碗並給付尅擇禮直官詔  
依

九月二十一日塑製高宗神聖武文憲孝皇帝憲節  
皇后神御都大主管所言契勘今來塑製神御其禮  
制法式尋會得景靈宮萬壽觀開具到見今安奉神  
御禮制法式名件遂行太常寺禮直官指定去後今  
指定欲依見今安奉徽宗皇帝顯仁皇后神御式體  
制度製造施行今來本所彩畫到依徽宗皇帝顯恭  
皇后顯肅皇后神御頭冠法服等草樣欲乞送太常  
寺逐一看祥訖依樣塑製詔依

十月二十三日禮部太常寺言勘會將來迎奉高宗

神聖武文憲孝皇帝神御憲節皇后神御詣射殿權  
奉安並正奉安日迎奉赴景靈宮萬壽觀奉安今依  
禮參酌條具下項 一景靈宮正奉安日禮儀使行  
禮並萬壽觀奉安行禮共合用祝文四首 景靈宮正  
奉安高宗皇帝神御之意一首述以正奉安憲節皇  
后神御之意一首述以權於萬壽觀正奉安會聖宮  
高宗皇帝神御之意一首述以權於萬壽觀並合用御  
觀正奉安啟運宮高宗皇帝神御之意 封降真香四合 一景靈宮萬壽觀奉安合用焚燎  
祝文燎草並上香炭乞令臨安府排辦逐處送納至  
時使供所有慈燎並上香火燭並乞令景靈宮萬壽  
觀排辦禮畢差人灑熄 一權奉安日並前一日諸  
色祇應人並乞經由麗正門和寧門並南北宮門入  
出欲乞各行閱報皇城司照會內無勅號之人乞令

所屬官司開具人數保明閱皇城司權給牌號放令  
入出事畢送納內有合經由新置便門人亦閱借牌  
號 一告遷詣射殿并奉迎前一日禮儀使行事官  
禮直官贊者職掌並合宿齋幕次及安奉御封香燭  
幕次並乞依例於皇城南宮門裏內藏庫相對東廊  
一帶釘設並合用什物床薦席燈燭等乞令臨安府  
同儀鸞司釘設排辦施行內禮儀司並奉安行禮官  
幕次並乞於皇城司釘設排辦並過夜殿內外合設  
祝盆乞依例從都大主晉所指揮所屬排辦閱皇城  
司差人照管灑熄所有陪位親王宗室使相南班宗  
室乞于麗正門外待漏院或側近寺院致齋內親王  
於本廳宿齋其合用幕次等亦乞令臨安府同儀鸞

司排辦施行 一奉迎正奉安日依禮例合用儀仗  
鼓吹導引排立內細仗二百人乞令兵部差撥所有  
鼓吹合用一百三十一人乞令太常寺依數下殿前  
步軍司差撥雜攢樂人充其教習日分支破食錢及  
修撰導引詞曲等並乞依昨紹興三十二年奉安神  
御申請到指揮體例關報所屬施行內所用細仗鼓  
吹自塑製所迎奉至射殿權奉安處更互排用立遇  
夜約出並正奉安日迎奉至景靈宮萬壽觀分差更  
互排立施 一告遷權奉安及正奉安神御並前三  
日奏告景靈宮諸殿聖像神御並萬壽觀會聖宮啟  
運宮神御並各前一日致齋及合用幕次炭火什物  
祝盃等並奉安日倍位官待班幕次倚卓乞依令臨

府委通判一員及差衙前二人計會催促排辦所有  
禮儀使并應行事等官幕次乞依例令臨安府同儀  
鸞司於景靈宮並齋殿內外及崇禋館相度釘設排  
辦施行 一告遷神御日若不測雨降合祇備雨具  
乞依例令臨安府計會都大主管所應辦施行所有  
騎從騎導並祇應人並許施雨具 一正安奉日依  
禮例百司作休務假並次日作歇泊休務假 一迎  
奉正安日依禮例宰執親王使相待從臺諫兩省官  
禮官閣門官南班宗室騎導禮儀並奉安行禮官騎  
從並陪位官立班係御史臺閣門太常寺告集並贊  
引祇應都大主管官往來照管及景靈宮正奉安日  
合用百官陪位乞從御史臺閣門申請施行 一禮

儀使告遷迎奉神御於射殿權奉安奏告並皇帝酌  
獻行禮及迎奉神御詣景靈宮並萬壽觀正奉安等  
行禮儀注乞從太常寺參酌修定申請施行詔依

中興禮書續編第七十八卷

凶禮四十四

永思陵四十四

塑製奉安神御二

淳熙十六年十一月四日禮部太常寺言勘會將來  
迎奉高宗聖神武文憲孝皇帝神御憲節皇后神御詣射  
殿權奉安并正奉安日迎奉赴景靈宮萬壽觀奉安  
今依禮例參酌條具下項 一迎奉日禮儀使奏告  
高宗聖神武文憲孝皇帝神御合用祝文一首述以  
迎奉赴景靈宮萬壽觀奉安之意 奏告憲節皇后神御合用祝文一  
首述以景靈宮奉安之意 并奏告告遷前一日早晚上香  
及酌獻奉辭等合用御封降真香一十二合 一迎



奉詣景靈宮日時前皇帝詣射殿權奉安神御幄前  
行酌獻禮并禮儀使自塑製處告遷神御詣射殿權  
奉安訖早晚上香及迎奉詣景靈宮萬壽觀日時前  
奏告并逐處正奉安各用供養茶酒果牙盤食香案  
花瓶麻爐香匙合上香炭蠟燭燎草并焚燎祝文火  
燭燭臺奠茶酒孟子鈔鑼盆臺茶酒盞注椀湯瓶等  
并乞令都大主管所前期行下諸司排辦 一合用  
綵結殿子四座乞令都大主管所行下鸞儀司同臨  
安府預先計會排辦施行 一合差擎腰輿并香案  
及執打從物等輦官裝著儀注全乞令都大主管所  
行下御輦院差撥施行 一自塑製處迎奉神御至  
權行奉安并迎引詣景靈宮并萬壽觀正奉安逐處

更互排立合用執打從物班直并禁衛親從官等乞  
令都大主管所行下所屬差撥施行所有合用僧道  
各一百人亦乞令都大主管所行下臨安府差撥施  
行 一合用權奉安正奉安告遷神御日時乞令太  
史局定選報太常寺申請朝廷指揮施行所有合差  
定時尅擇官二名亦乞令本局差撥赴逐處祇應詔  
依

十一月九日禮部太常寺言檢照國朝典禮合于禋  
祭前迎奉神御赴景靈宮奉安所有將來塑製高宗  
聖神武文憲孝皇帝神御三位憲節皇后神御一位畢工  
欲乞依上件典禮于禋祭前擇日迎奉赴景靈宮萬  
壽觀奉安今叅酌禮例條具下項 一依禮例子正

奉安前一日自塑製處禮儀使告遷神御各用龍倚  
捧遷升腰輿親王宗室使向南班宗室前導神御至  
射殿權奉安處捧遷神御入幄權奉安訖權退禮儀  
使早晚上香親王宗室使相南班宗室陪位正奉安  
日禮儀使先行奏告禮訖次奏請皇帝行酌獻禮畢  
權歸幄次捧遷神御升腰輿訖皇帝出幄步導神御  
出麗正門外奉辭燒香畢權歸幄次奉神御過乘輦  
還內仍乞令都大主管所行下御輦院相度施行所  
有射殿上合設權奉安神御幄次并逐處合用御幄  
并黃羅拜褥奏請紫褥及結縛幕帳門并自射殿門  
外至麗正門外合用露屋乞令儀鸞司同兩浙轉運  
司并臨安府依例預行差人結縛排辦釘設施行

一迎奉神御正奉安日皇帝行酌獻禮依禮例前一  
日皇帝齋于內殿 一奉安日依禮例皇帝不親事  
一依禮例合差禮儀使一員係差宰臣乞降勅差  
官施行 一萬壽觀奉安會聖宮啟運宮神御合差  
奉安行禮官一員前一日齋于都堂係宰執乞降勅  
差官施行 一依禮例合差都大主管官一員係就  
差塑製都大主管官乞降勅差官施行詔依  
十一月十七日禮部太常寺言勘會將來塑製高宗  
聖神武文憲孝皇帝神御憲節皇后神御畢工已降  
指揮于景靈宮萬壽觀奉安依禮例合前三日奏告  
景靈宮諸殿并萬壽觀聖像神御今叅酌條具下項  
一奏告合用御封降真香乞從太常寺具合用數

關入內內侍省預先請降 一奏告景靈宮合用青  
詞二首 一首奏告元天大聖后 祝文三首 一首奏  
皇帝至欽宗皇帝一首奏告宣仁聖烈皇后至顯仁皇后並  
憲獻皇后一首奏告宣仁聖烈皇后至顯仁皇后並  
述以迎奉高宗皇帝神御憲節皇后神御赴景靈宮  
奉安之意并奏告萬壽觀合用青詞一首 奏告昊天  
聖祖天尊大帝 祝文二首 太祖皇帝至欽宗皇帝一  
長生保命天尊 祝文二首 太祖皇帝至欽宗皇帝一  
首奏告真宗皇帝 並述以迎奉高祖皇帝神御權于萬  
壽觀奉安之意 一奏告景靈宮聖祖天尊大帝元  
天大聖后聖像并萬壽觀前殿昊天玉皇上帝聖祖  
天尊大帝長生保命天尊聖像合用蒼幣五段 長八  
尺小乞下太府寺行下左藏庫支供 一奏告景靈  
宮萬壽觀會聖宮啟運宮聖像神御合用鵝梨法醬

茶果酒果臘燭上香炭燎草等乞依例從太常寺具  
合用數報臨府委通判一員及差衙前二人管幹計  
會催促排辦 一奏告行事官乞從太常寺具窠目  
申中書省降勅差官施行詔依  
同日又言勘會已降指揮塑製高宗聖神武文憲孝  
皇帝神御三位內一位于景靈宮奉安內會聖宮啟  
運宮二位權于萬壽觀奉安所有憲節皇后神御一  
位于景靈宮奉安今據太史局選到奉安吉日時刻  
下項 一正奉安日宜用十二月十四日巳亥吉告  
遷時宜用其日卯時八刻後乙時吉正奉安時宜用  
其日午時八刻後丁時吉 一正奉安前一日係十  
二月十三日其告遷權奉安時宜用其日卯時八刻

後乙時吉 一所有逐項告遷時刻並依知時八刻  
後乙時契勘十二月十三日日出在卯正四刻今欲  
乞于前項日麗正和寧門并南北宮門并經由門戶  
並早二刻開即與國音別無妨礙詔依

十一月十八日御史臺言勘會將來迎奉安高宗聖  
武文憲孝皇帝神御憲節皇后神御赴景靈宮奉安  
文臣乞用應釐務不釐務通直即以上及行在見任  
寺監主簿承務郎以上職事官赴赴陪位立班詔依  
十一月二十八日閣門言勘會將來迎奉高宗聖神  
武文憲孝皇帝神御赴景靈宮奉安武臣乞用保義  
郎以上并三衙指揮使員僚赴赴陪位詔班詔依  
十一月二十八日禮部太常寺言勘會將來迎奉高

宗聖神武文憲孝皇帝神御憲節皇后神御詣射殿  
權奉安并正奉安日迎奉赴景靈宮萬壽觀奉安今  
叅酌條具下項 一迎奉神御正奉安日皇帝行酌  
獻禮合差侍臣一員俟內侍酌茶酒畢接蓋跪進皇  
帝乞降勅差兩省官充 一行酌獻禮合差前導太  
常卿一員并贊引太常卿太常博士一員乞降勅差  
太常少卿博士充 一禮儀使行奏告并正奉安禮  
合差太祝一員并萬壽觀奉安合差太祝一員并已  
降勅差太常寺官充 一迎奉奉安合差扶侍夾侍  
并捧遷神神御內侍官及掌香火官乞從都大主管  
所相度合用員數報入內內侍省差官所有酌獻行  
禮合差捲簾侍香酌茶酒執燭內侍官乞從入內內

侍省依例差官施行詔依

同日太常寺言勘會十二月十四日迎奉高宗皇帝神御詣景靈宮萬壽觀奉安所有憲節皇后神御詣景靈宮奉安前三日奏告景靈宮萬壽觀今具合差下項 一景靈宮前殿聖祖天尊大帝聖像前奏告官及光祿寺卿奉禮郎太祝太官令各一員後殿元天大聖后聖像前奏告官及光祿卿奉禮郎太祝太官令各一員中殿諸帝神御前奏告官及太祝各一員後殿昭憲皇后至慈聖光獻皇后神御前奏告官及太祝各一員後殿宣仁聖烈皇后至顯仁皇后神御前奏告官及太祝各一員已上奏告官五員並乞差宰執充內光祿卿奉禮郎太祝太官令並乞差侍

從臺諫兩省官卿監郎官太常寺官充前一日赴景靈宮宿齋至日行禮畢退 一萬壽觀昊天玉皇上帝至長生保命天尊位前奏告官及奉禮郎太祝太官令各一員太祖皇帝至欽宗皇帝神御前奏告及太祝各一員真宗皇帝至溫成皇后神御前奏告官及太祝各一員已上奏告官三員並乞差宰執或侍從官充內奉禮郎太祝太官令並乞差侍從臺諫兩省官太常寺官充前一日赴萬壽觀宿齋至日行事畢退 一所有十二月十一日奏告景靈宮行禮畢內有行事官祇應人合赴臘前一日祭太社太稷等處省饌致齋行事欲乞至日奏告行禮畢早開景靈宮櫺星門俟行事官祇應人出絕却行鎖閉詔依

十二月八日詔今月十四日迎奉高宗皇帝憲節皇后神御詣景靈宮奉安今正任觀察司使已上并管軍趨赴陪位騎導

中興禮書續編第七十九卷

凶禮四十五

永思陵四十五

塑制奉安神御三

淳熙十六年十一月八日禮部太<sup>常</sup>寺言勘會十二月十四日迎奉高宗聖神武文憲皇孝帝憲節皇后神御詣景靈宮萬壽觀奉安前三日奏告景靈宮諸殿并萬壽觀聖像神御欲乞奏告日依禮例皇帝前後殿不視事詔依

迎奉神御詣景靈宮鼓吹詞

道宮道引

中興揖遜功德仰兼隆仁澤被華戎鼎湖俄痛遺弓

隨如日想威容柔儀懿範興堯同馳馭儼相從靈宮  
真館偕來燕垂裕永無窮

告遷神御詣射殿權安奉儀

其日禮儀使詣塑製所幕次俟陪位親王宗室使相  
南班宗室詣殿下北相立定禮直官引禮儀使詣高  
宗皇帝憲節皇后神御殿下西向立都大主管官重  
行于禮儀使之後立禮直官立揖躬拜禮儀使再拜  
在位官皆再拜訖禮儀使升殿詣高宗皇帝神御香  
案前播笏三上香執笏降階復位禮直官揖躬拜在  
位官皆再拜訖次引禮儀使升詣禮神御前褥位俛  
伏跪奏稱禮儀使臣某請高宗皇帝憲節皇后神御  
降座升輿詣射殿權安奉奏訖伏興降階復位立都

大主管官往來照管贊者引陪位官分左右立次輦  
官擊腰輿至殿前輦官權退扶持侍夾侍捧遷高宗皇  
帝憲節皇后神御升腰輿訖次輦官擊腰輿以次進  
行扶持侍夾侍分左右禮儀使後從都大主管官往來  
照管陪位官前導儀仗鼓吹振作僧導作法事前引  
禁衛班直親從官等扈衛至射殿下腰輿權駐禮儀  
使詣神御前俛伏跪奏稱禮儀使臣某言請高宗皇  
帝憲節皇后神御升殿降輿升座權安奉奏訖伏興  
稍東西向立腰輿升殿東階至殿上當中置定輦官  
權退次扶持侍夾侍捧遷神御入幄次輦官擊腰輿退  
禮儀使以下權歸幕次俟有司於高宗皇帝憲節皇  
后神御幄前排辦供養牙盤酒果香火等畢禁衛班

直親從官等排立儀仗鼓吹僧道更互振作次禮儀使詣高宗皇帝憲節皇后神御香案前早燒香親王宗室陪位俟燒香畢歸以俟晚燒香如儀

禮儀使行奏告禮儀

其日早俟有司于射殿高宗皇帝憲節皇后神御幄前排辦供養牙盤茶食茶酒果香火等畢贊者先引太祝詣殿下北向立都大主管官往來照管禮值官引禮儀使詣殿東下之東西向立禮直揖躬拜在位官皆再拜訖次引太祝升詣高宗皇帝神御幄前之西東向立禮直官引禮儀使升詣高宗皇帝神御香案前播笏三上香跪奠茶三奠酒執笏俛伏興少立太祝播笏跪讀祝文訖執笏興先詣憲節皇后神御

幄前之西東向立禮儀使再拜訖次詣憲節皇后神御香案前行禮並如上儀訖俱降復位次引禮儀使詣望燎位南向立太祝位於其後焚祝版訖權退歸幕次

皇帝行酌獻禮并麗正門外奉辭及禮儀使

詣景靈宮正奉安儀

其日俟禮儀使行奏告禮畢儀仗鼓吹僧道權退於麗正門外排立以俟奉迎有司排辦酌獻牙盤茶酒果香火等畢禮直官引侍從詣高宗皇帝神御前香案之東西向立禮直官引太常博士太常卿詣御幄前立次御史臺閣門太常寺分引宰執親王使相侍從臺諫兩省官閣門官禮官南班宗室詣殿下北



向立定皇帝自內服鞞袍詣御幄簾降少頃引太常卿當幄前俛伏跪奏稱太常卿臣某言請皇帝行酌獻之禮奏俛伏興復位簾卷前導官前導皇帝出幄詣殿上之東褥西位向立奏請拜皇帝再拜典儀曰拜贊者承傳曰再拜在位官皆再拜訖前導官前導皇帝詣高宗皇帝神御香案前奏請上香再上香三上香內侍以茶酒授侍臣侍臣西向跪以進又奏請皇帝跪奠茶三奠酒訖奏請皇帝俛伏興又奏請拜皇帝再拜典儀曰拜贊者承傳曰再拜在位官皆再拜前導官前導皇帝詣憲節皇后神御香案前行禮並如上儀訖前導官前導皇帝歸御幄簾降前導官於幄前少立禮儀使升詣殿上西向立陪位官權正

於麗正門外幕次以俟騎導次輦官擊腰輿升殿置定輦官權退尅擇官報告遷時及引禮儀使詣神御前俛伏跪奏稱禮儀使臣某言請高宗皇帝憲節皇后神御降座升輿赴景靈宮萬壽觀奉安奏訖伏興降階稍西東向立扶持夾侍捧遷神御升腰輿都大主管官往來照管次引禮儀使於麗正門外以俟騎從次輦官升殿捧擊腰輿次太常卿當幄前俛伏跪奏稱太常卿臣某言請皇帝前導神御進發奏訖伏興復位立簾捲前導官前導皇帝出幄詣神御腰輿前前導神御次輦官擊腰輿降西階進行禁衛班直親從官等扈衛扶持夾侍分左右前導官導皇帝前導神御出麗正門外少駐俟置定腰輿輦官權退前導官

前導皇入御幄簾降有司排辦香案香火等畢太常卿當幄前俛伏跪奏稱太常卿臣某言請皇帝行奉辭之禮奏訖伏興復位簾捲捲前導官導皇帝出幄詣高宗皇帝神御香案前禮直官奏請拜皇帝再拜訖又奏請上香再上香三上香訖又奏請皇帝再拜訖前導官導皇帝詣憲節皇后神御香案前行禮如上儀訖前導官導皇帝歸御幄簾降太常卿當幄前俛伏跪奏稱太常卿臣某言禮畢奏訖伏興復位少立前導官退次輦官捧擎神御腰輿進行皇帝乘輦還內如常儀次宰執親王使相待從臺諫省官閤門官禮直官南班宗室分左右騎導禮儀使并奉安行禮官騎從都大主管官往來照管禁衛班直親從官

等扈衛儀仗鼓吹振作僧道作法事前引將至景靈

宮櫺星門外陪位文武百官奉迎再拜內萬壽觀神

壽觀門外行事奉迎拜訖權退騎導官下馬步導如

測雨降陪位文武百官免迎拜導官禮儀使從後都

免導步並俟時往赴殿庭陪位立班大主管官往來照管神御入天興殿門經由東廊高

宗皇帝神御至中殿下憲節皇后神御至後殿下步

導官權退歸幕次內奉安萬壽觀門外下馬後入萬壽觀

以俛奉禮請儀仗鼓吹僧道並權止輦官權退次引禮

儀使詣殿中下高宗皇帝神御腰輿前俛伏跪奏稱

禮儀使臣某言請高宗皇帝神御升殿降輿升座權

奉安奏訖伏興詣殿下西向立次輦官擎腰輿升東

階詣殿上置定次輦官退扶持捧遷神御升側座權

奉安訖次輦官升殿擊腰輿退次引禮儀使詣後殿  
下憲節皇后神御腰輿前俛伏跪奏稱禮儀使臣某  
言請憲節皇后神御升殿降輿升座權安奏訖伏興  
詣殿下西向立次輦官擊腰輿升東階詣殿上置定  
次輦官退扶持夾侍捧遷神御升側座權安訖次輦  
官升殿擊腰輿退禮儀使權歸幕次禁衛班直親從  
官儀仗僧道於中後殿更互排立俟奉安時前有司  
排辦香火等畢儀仗僧道並退禁衛班直親從官仍  
舊排立次輦者先引太祝入詣中殿下再拜訖升殿  
詣高宗皇帝神御香案之西東向立御史臺閣門太  
常寺分引禮儀使宰執親王使相寺從臺諫兩省官  
閣門官禮官南班宗室并陪位文武百官入詣天興

殿下再拜訖次詣中殿下并東西兩廊隨宜就位立  
各再拜訖次引都大主管官升殿往來照管次引禮  
儀使升殿詣高宗皇帝神御香案之東西向立定俟  
尅擇官報時及引禮儀使詣香案前俛<sup>伏</sup>跪奏稱禮儀  
使臣某言請高宗皇帝神御升正座奉安奏訖伏興  
退詣香案前之東西向立俟有司遷正座訖次引禮  
儀使都大主管官降東側階詣後殿次引禮儀使詣  
憲節皇后神御香案前俛伏跪奏稱禮儀使臣某言  
請憲節皇后神御升正座奉安奏訖伏興退詣香案  
之東西向立俟有司遷正座訖次引禮儀使降階詣  
詣中殿下北向立禮直官揖躬拜禮儀使再拜在位  
官皆再拜訖次引禮儀使升殿詣高宗皇帝神御香

案前措筭三上香跪奠茶三奠酒執筭俛伏興少立  
太祝措筭跪讀祝文訖執筭興少退立禮儀使再拜  
訖降階復位立禮直官揖躬拜禮儀使再拜在位官  
皆再拜訖引禮儀使詣望燎位次引太祝降階詣望  
燎位重行於禮儀使之後立有司焚祝版訖引太祝  
先詣後殿再拜訖升詣憲節皇后神御香案之西東  
向立次御史臺閣門太常寺分引禮儀使宰執親王  
使相待後臺諫兩省官閣門官禮官南班宗室并陪  
位文武百官詣後殿下并東西兩廊隨宜各就位立  
再拜訖次引禮儀使行奉安之禮如中殿之儀訖次  
引禮儀使以下并陪位官班退禁衛班直親從官以  
次退

奉安行禮官詣萬壽觀正奉安儀

其日迎奉高宗皇帝神御將至萬壽觀門行事官等  
奉迎如不測雨降行俟神御入萬壽觀行事官等權

退內奉安行禮官後後經由南廊至後殿下儀仗鼓  
吹僧道並權止輦官權退次引奉安行禮官臣某言請高  
腰輿前俛伏跪奏稱禮儀奉安行禮官臣某言請高  
宗皇帝神御升殿降輿升座權安奉訖伏興詣殿下  
南向立次輦官擊腰輿升詣殿上置定次輦官退扶  
侍夾侍捧遷神御升側座權奉安訖次輦官升殿擊  
腰退奉安行禮官權歸幕次禁衛班直親從官儀仗  
僧道更互排立俟奉安時前有司排辦香火等畢儀  
仗僧道並退禁衛班直親從官仍舊排立次引奉安

行礼官太常祝入詣前殿下再拜訖次詣後殿下立引奉安行礼官升殿南向立俟尅擇官報時及引奉安行礼官詣香案前俛伏跪奏稱奉安行礼官臣某言請高宗皇帝神御升正座奉安奉訖伏興退詣香案之北南向立俟有司遷正座訖引奉安行礼官降階詣殿下立礼直官稱躬拜奉安行礼官再拜在位官皆再拜訖引太祝升殿立定次引奉安行礼升殿詣會聖宮高宗皇帝皇神御香案前搢笏三上香跪奠茶三奠酒執笏俛伏興少立太祝搢笏跪讀祝文訖執笏興奉安行礼官再拜訖次詣啟運宮高宗皇帝神御前上香奠茶酒讀祝文行礼並如上儀訖降階復位立礼直官揖躬拜奉安行礼官再拜在位官

皆再拜訖引奉安行礼官詣望燎位次引太祝詣望燎位重行立有司焚祝版訖奉安行礼官以下班退禁衛班直親從官以次退

雜錄

淳熙十五年三月七日禮部言準批下橋道頓遞司使申高宗聖神武文憲孝皇帝梓宮渡江將西興浦口寧濟廟侯梓宮濟渡一行安靜事畢檢舉特賜加封仍令漕司應副添修本廟所有其餘經歷神祠亦令有司討論例故施行後批送部看詳尋下太常寺看詳欲並依本官所乞俟將來梓宮宮濟渡一行安靜欲令兩浙轉運司保明申朝廷行下本寺擬封施行詔依

四月六日檢察宮陵所言據昭慈永祐陵攢宮司申對北緯楔門外有土地廟一所自紹興元年因昭慈聖憲皇后上仙太史局官選此地忽遭一老人指引自謂久居此處遂卜得見今攢宮地段後欲尋覓其人不見因此建廟紹興十三年修奉永祐陵攢宮修奉都護楊存中鈐轄衛茂實祈禱於廟果獲感應遂號顯靈土地紹興二十九年修奉顯仁皇后攢宮修奉使就廟卜問神穴土色後獲感應其土紫色盡稱獻土大王因此廣其廟宇自後遞年如遇修奉上下宮殿宇瓜札鷹架易柱換梁斫伐枯損窠木官吏工匠等詣本廟祈禱悉賴保護皆獲無虞往年禁地內林木亦為多有毛蟲食其木葉以致窠木並皆枯

損兩宮都監詣廟祈禱其毛虫盡化作飛蛾而去次後又有鴻鵠羣數至盛於林木之上做成窠巢槐下腥穢逼近殿宇雖令鋪兵趕逐至晚復聚人力所不能及兩宮都監亦詣廟庭祝禱其紅鶴盡去及兩宮官吏軍民如遇有不測病患若詣祈禱即獲全安遇旱澇一方祈禱雨暘應時逐項事狀響應分明衛護陵寢委是顯著即未蒙封賜勅額兼昨來紹興二十九年顯仁皇后梓宮到來沿路經過去處廟貌並蒙加恩緣其時失於申請遂致迤邐至今未霑恩霈今來修奉聖神武文憲孝皇帝攢宮皇堂神穴土色紫潤並水石及修奉一行工役無虞今來兩宮欲乞從使司指揮備錄奏聞特賜推恩封勅廟額施行詔依

五月十三日尚書左司郎中王正已言臣輒以已見採撫事實撰成皇帝聖德孝感記伏乞睿慈降付史館伏候勅旨仍連王正已撰到皇帝聖德孝感記詔依

皇帝聖德孝感記

臣仰惟高宗聖神武文憲孝皇帝誕受天命紹開中興因時制宜繼好息民海內安靜功成不居傳授聖子陛下繼志述事盛德日新以天下養者二十又六年洎駕雲太清陛下哀慕罔極正歷代之失復三年之制羣臣懇祈莫回聖意固已冠絕今古乃三月甲寅靈駕發引先是數日雲陰四垂時雨間作渟淖沒足行者病之壬子晦冥益甚癸丑之夕載陰載陽四

鼓既作天宇澄霽望舒開明星宿清潤乾端坤倪呈露無蘊遣奠禮成龍輜不濡大昇安行仗衛儀物肅陳嚴辨舒舒而前行列整暇登舟渡江潮波不驚祥風瑞烟助以安濟波神川后髣髴畢出駿奔翊衛咸効厥職施師奏功如履平陸洎至陵所人不告勞自時厥後凡大典禮曰暘而暘巧相附會臣工執事進趨恭肅登降唯謹畧無沾服失容之患億兆臣民踴躍贊嘆得未曾有傳之裔夷畏威歸命臣竊聞之莫之為而為者天也夫風雨晦明豈繫人謀所能力致凡陛下志之所向無不景從所謂先天而弗違者得非陛下聖孝上通神明感格之明効歟臣濫與朝列親逢盛旦雖不學無文亦知所以歸美之報而繪畫

天地模寫日月無益於廣大高明然區區之忠自不能已臣不勝至願願降睿旨宣付史館以昭世無極謹拜撫其實而為之記淳熙十五年四月二十九日朝散大夫尚書左司郎中臣王正記謹記  
六月二十八日知成都府趙汝愚奏四月十一日據通判成州成繪稱得阜郊報秦州數日前皆載紙帽初疑北方有故既而探問子細乃是為本朝太上皇帝升遐臣服臣等仰惟大行太上皇帝厚德深仁兼愛南北承諱之日四海崩摧彼中原雖遺黎久淪異域而不忘哀慕如此臣無任感歎摧傷之至欲望聖慈宣付史館以傳萬世詔依

中興禮書續編第八十卷

凶禮四十六

永思陵四十六

忌辰

淳熙九年四月十五日太常少卿余端禮劄子勘會每遇祖宗帝后忌辰宰執率文武百官詣景靈宮行香臨安府差僧道各二十五員赴宮排立受香宣讀文疏齋僧道各二十五員僧看金剛經二十五卷道士看靈寶度人經二十五卷自紹興初間凡遇帝后忌辰就法惠寺行香所差僧道各二十五員臨安府各支齋錢一百文省僧就法惠寺看經道士就天慶觀看經散自紹興十三年內建立景靈宮之後其錢



並不曾支請每遇行香退各歸寺觀看經訪聞所差僧道各歸寺觀未必盡讀經卷疏文遂成虛設今乞行下臨安府自今後每遇帝后忌辰行香支僧道看經齋錢每人一百文省責赴僧道正司椿管至行香畢令僧道正司赴景靈宮門外天興等殿道院看經讀訖即時依散齋錢庶幾仰奉朝廷嚴恭追奉之意伏乞詳酌指揮右劄下從所乞事理施行

十月五日勅中書門下省臣僚上言臣恭維國家有朝參之禮以肅所建行香之禮以嚴宗廟是皆臣子之所不可廢非特為繁文以示觀美而已臣竊見比來每遇朝參及行香日分合赴官類多託疾在告或假他故以免夙興拜跪之勞偷惰偃蹇習以成

風班列蕭疎甚不稱陛下所以肅所嚴宗廟之意且身為臣子若真有疾自應請詞丐外亦可以養疴之故而遂廢禮乎彼誠有疾者猶不可而况臨期託疾或假他故顯然飾詞迹涉詐妄其為不恭又孰甚焉臣契勘本臺覺察今應六參及釐務望參官請假連三次一歲通計五六次者聞奏與外任差遣又朝晏日稱疾不赴牒內侍省押醫診視不實者彈奏防檢之意非不嚴切然而玩習既久徒為虛文如行香合赴官一百二十餘員而託疾多規免者多或至四五員其間有實病之人雖當勉強入局至朝參之類不能趨赴却乃引疾旋投假牒揆之于義其果安乎欲望聖慈特下臣章申儆庶位今後如遇朝參及行

香日猶有依前稱疾托故不赴者從本臺覈實彈奏  
乞寘典憲庶使縉紳之士各務恭肅少革偷惰之風  
誠治世之先務也詔依

十三年四月十三日敷文閣待制洪邁劄子奏臣嘗  
謂宗廟之間以敬為主故清肅之頌曰肅雍顯相大  
雅之詩曰肅肅在廟苟無肅敬之容則怠慢之心生  
矣竊見當時國忌百官詣景靈宮陪位行香從者盈  
塞于前至不容行步四孟親享在列之臣不多而所  
謂親事官之徒喧噪推軋雖其主人亦所厭惡而迫  
于衆莫肯有言臣愚欲望聖慈特降睿旨除宰執使  
相外今後百官入景靈宮櫺星門其從人帶入宮門  
勅號方得隨直讒及中門即退不得踰闕使百官雍

容秉笏以次而前仰稱陛下昭事祖宗之意臣不勝  
至願詔依

十五年正月十二日皇太子宮左右庶子言勘會將  
皇孫英國公今來赴赴朝叅如遇忌辰景靈宮行香  
等緣經隔麗正等處門戶竊恐赴赴不及欲乞下閣  
門等處詔會詔遇忌辰行香權免赴赴

七月十四日禮部太常寺言準批下秘書省狀據太  
史局申勘會淳熙十六年己酉歲領賜歷日及民庶  
歷日已行箋注所有十月八日高宗皇帝忌辰未審  
歷日內合與不合箋注後批送禮部太常寺勘當今  
檢照國朝故事大祥後次年合箋注立忌所有將來  
高宗皇帝箋注立忌合依前項禮例于淳熙十七年

歷日內箋注忌辰詔依

高宗皇帝疏文八月初具位十月初八日高宗受命

中興全功至德聖仁文武文昭仁憲孝皇帝忌辰謹率

文武百僚詣景靈宮齋僧二十五人看金剛經般若

經二十五卷齋道士二十五人看靈寶度人經二十

五卷上資仙界者右伏以五帝不可及莫窺天地之

功四海無能名猶慕聖神之德謹因諱日用闡真乘

高宗皇帝伏願覺性常圓等慈無碍慶流社稷已啟

運于中興福及子孫更垂休于罔極謹疏

憲節皇后二月初仙游寢邈懿範彌芳因諱日之載

臨歎閔宮而伸薦憲節皇后伏願圓成道果悟解佛

乘超法界于無邊贊皇圖于有永

輟朝

淳熙十二年二月二十六日詔齋安郡主薨輟視朝

一日三月四日輟朝七月十四日內侍杜戩傳奉聖

旨指揮貴妃蔡氏夢可自十五日十六日特輟視朝

二日

十三年十二月二十一日太常寺言少師觀文殿大

學士陳俊卿薨本官曾任宰相依條合輟十二月二

十二日二十三日輟視朝二日詔依

十四年七月十七日內侍黃澄傳奉聖旨指揮貴妃

劉氏薨自今月十八日十九日二十日輟視朝三日

十五年七月二十七日內侍譚堯弼傳奉聖旨指揮

少傅恩平郡王璩薨八月三日四日輟視朝二日

詔葬

淳熙十二年正月二十九日詔差入內內侍省都知

劉慶祖主管榮國婉靛柔惠夫人張氏勅葬事

二月二十四日內侍朱堯佐傳奉聖旨指揮太常寺

今月二十四日齊安郡主薨令討論典故施行

項一淳熙服制無該載檢準太常寺功條小功總輟

麻右禮部大常寺今數不定檢準太常寺功條小功總輟

成服所薨像長殤依前項條合輟視朝一勅會今未齊安

二十八日詔差幹辦御藥院謝安道主管故齊安郡

主勅葬 七月十六日詔差入內內侍省副都知霍

汝弼主管蔡貴妃葬事

十一月三日詔差幹辦御藥院甘暘主管嘉國惠淑

夫人王氏葬事 十四年五月二十四日詔差辦幹

辦御藥院闕礼主管寧國夫人王氏葬事

七月十六日詔奉太上皇帝聖旨故劉貴妃主管勅

葬差提點張宗尹 十五年七月二十七日內侍譚

堯弼傳宣差內侍押班吳回主管故少傅恩平郡王

璩勅葬

二十八日詔于祇候庫取貂蟬籠巾七梁額花冠朝

服一副充賜故少傅恩平郡王璩使用限日下供納

八月十四日妾王氏贊奏據太常贊引使臣狀申今

來勅葬故少傅恩平郡王依一品將來出殯日依條

合差太常博士備牲牢礼料行贈祭之礼妾望望聖

慈特降指揮依例免行排祭詔依所乞

服紀

淳熙七年七月二十七日禮部符信州玉山縣鄉貢  
進士徐良玉狀父瓌故任素州萬載縣丞在日無子  
良玉係本縣信豐鄉進士朱齊所生從乳抱間棄與  
父縣丞為嫡子其朱齊家先有三子各居父縣丞止  
有良玉一男別無兄弟今緣所生朱齊于今年二月  
十六日自故至五月二十八日巳時百日滿去科舉  
尚遠良玉于淳熙服制格合齊衰不杖期未委期親  
尊長喪百日滿合與不合赴試送太常寺指定申今  
檢準下項淳熙戶令諸無子孫聽養同宗昭穆相當  
者為子孫諸以子孫或同居總麻以上親與人若遺  
棄雖異姓三歲以下並聽收養即從其姓各不在取

認之限聽養之家申官附籍依親子孫法刑統諸養  
異姓男者徒一年與者笞五十其遺棄小兒年三歲  
以下雖異姓收養即從其姓服制格為人後者為其  
父母齊衰不杖期服制令諸為人後者為其父母申  
其心喪諸申心喪二十五日滿者與丁憂服闋同勘  
會在法為人後者為其父母申心喪蓋為同宗昭穆  
相當之人其遺棄小兒三歲以下雖異姓聽收養從  
其姓為不知所生者設今徐良玉既自知為朱齊之  
子于義當申心喪何疑况國家取士先行後藝豈可  
以一試之故而忘生育之恩合從為人後者為其父  
母之服格令施行

十三年十一月二十六日禮部符成都府申迪功郎

新差充榮州州學教授房咸狀照會咸祖父房灝有  
三子伯康國係祖母史氏所生父子申叔子中係庶  
母王氏生所生緣祖母并叔並各早世今來父叔  
所生庶母王氏淳熙十三年八月二十一日身亡緣  
咸在成都府寄居所為咸為之所生庶母合得是  
何服制具到宗枝乞檢坐修 貴憑遵守本府尋  
送法司具到條格下項石所據受榮州州學教授房  
咸所申王氏身故本府照得嫡祖母史氏先已身故  
今來王氏在諸氏為庶母在房咸即為親母既無親  
子承重欲令解官持服緣法有疑似未敢指定除已  
備條告示本官外今錄白本官畫出宗枝在前申乞  
明降指揮行下貴憑遵守仍乞下諸路照會施行送

太常寺言勘會申今檢準下項淳熙令諸喪斬衰齊  
衰三年解官齊衰杖期及祖父母亡嫡子死或無嫡  
子而嫡子兄弟未終喪而亡孫應承重者雖不受服  
及為人後者為其父母若

Large stylized watermark or seal impression, possibly reading '圖書' (Library/Book).

Small square seal impression, likely a library or collector's mark, containing characters in seal script.

Small vertical text or characters on the right edge of the page, possibly a page number or marginal note.

封